


文庫

善本

C40-4514



B 84853

0

1 2 3 4 5 6 7 8 9 10 1 2 3 4 5 6 7 8 9 10

爾時普賢菩薩復告大衆言。諸佛子。乃往古世過世
眾微塵數劫。復倍是數。

疏四釋文。一品分三。初總明本事之時。二有世界
下別顯本事之處。三彼勝音世界最初劫中下。別
顯時中本事。今初卽二佛利塵數劫也。

右世界海名普門淨光明。

疏二辨處中亦三。第一總明利海。

此世界海中有世界名勝音。依摩尼華網海住。湧彌
山微塵數世界而爲眷屬。其形正圓。其地具有無量
莊嚴。三百重衆寶樹輪圍山所共圍繞。一切寶雲而

覆其上。清淨無垢。光明照曜城邑宮殿。如湧彌山衣
服飲食隨念而至。其劫名曰種種莊嚴。

疏第二。此世界海下。別明一利。畧無利種。利名勝
音者。多佛出世說法音故。次彰其相。後說劫名可
知。

諸佛子。彼勝音世界中有香水海名清淨光明。

疏第三。諸佛子。彼勝音下。約指一方。如今娑婆中
別說一四天下也。於中亦三。初總明感應之處。第
二諸佛子。此林東下。別明能感居人。第三諸佛子
彼大林中下。別顯道場嚴事。今初有三。初明香海

者非持種之海。卽如今四洲之海耳。

其海中有大蓮華。湏彌山出現。名華焰普莊嚴幢。十寶欄楯。周帀圍繞。

疏二其海下。海出華山。

於其山上有四大林。名摩尼華枝輪。無量華樓閣。無量寶臺觀。周迴布列。無量妙香幢。無量寶山幢。迴極莊嚴。無量寶芬陀利華處處敷榮。無量香摩尼蓮華網。周帀垂布。樂音和悅。香雲照曜。數各無量。不可紀極。有百萬那由他城。周帀圍繞。種種衆生於中止住。疏三於其山下。明山頂之林。先標舉後顯嚴。說此

林者。佛於中現也。說城居人者。總舉所化也。

諸佛子。此林東有一大城。名燄光明。人王所都。百萬億那由他城。周帀圍繞。

疏第二別明能感居人中亦三。初標王伴二城。二釋王城。三釋伴城。今初雖有天城。以佛出故。人城爲王。

清淨妙寶所共成立。縱廣各有七千由旬。七寶爲郭。樓櫓却敵悉皆崇麗。七重寶塲。香水盈滿。優鉢羅華。波頭摩華。拘物頭華。芬陀利華。悉是衆寶。處處分布。以爲嚴飾。寶多羅樹。七重圍繞。宮殿樓閣。悉寶莊嚴。

種種妙網張施其上塗香散華芬瑩其中。有百萬億那由他門悉寶莊嚴。一一門前各有四十九寶尸羅幢次第行列復有百萬億園林周匝圍繞其中皆有種種雜香摩尼樹香周流普熏衆鳥和鳴聽者歡悅疏二清淨下廣釋王城於中先顯處嚴城上守禦曰櫓繞城別築土臺曰却敵優鉢羅等卽青赤黃白四色蓮華。

此大城中所有居人靡不成就業報神足乘空往來行同諸天心有所欲應念皆至。

疏後此大城下彰其人勝

其城次南有一天城名樹華莊嚴其次右旋有大龍城名曰究竟次有夜叉城名金剛勝妙幢次有乾闥婆城名曰妙宮次有阿修羅城名曰寶輪次有迦樓羅城名妙寶莊嚴次有緊那羅城名遊戲快樂次有摩睺羅城名金剛幢次有梵天王城名種種妙莊嚴如是等百萬億那由他數。

疏其城次南下三畧釋伴城於中一二先辨城名居類。

此一一城各有百萬億那由他樓閣所共圍繞。一一皆有無量莊嚴。

1 2 3 4 5 6 7 8 9 10 1 2 3 4 5 6 7 8 9 10

疏後此一一下。顯圍繞莊嚴世界不同。安立少異。不可例此也。

諸佛子。此寶華枝輪大林之中。有一道場。名寶華偏照。以衆大寶分布莊嚴。摩尼華輪。徧滿開敷。燃以香燈。具衆寶色。燄雲彌覆光網普照。諸莊嚴具常出妙寶。一切樂中。恒奏雅音。摩尼寶王現菩薩身種種妙華周徧十方。

疏第三明道場中先辨場嚴。

其道場前。有一大海。名香摩尼金剛。出大蓮華。名華藏。燄輪。其華廣大百億由旬。莖葉鬚臺皆是妙寶。十

不可說百千億那由他蓮華所共圍繞。常放光明。恒出妙音。周徧十方。

疏二其道場前下。明蓮華香海爲佛現故。

諸佛子。彼勝音世界最初劫中有十湧彌山微塵數如來出興於世。

疏大文第三別顯時中本事。文分爲二。先總舉劫中多佛。後其第一下一一別顯正彰本事。經來不盡。故無總結。今初將欲說別。先舉其總。言最初劫者。卽種種莊嚴劫也。旣云最初。卽此後更有大劫。於理無違。鈔此後更有大劫者。此遮破也。謂淨

法云準下文大劫有恒河沙數小劫人壽二小劫初佛壽五十億歲威光歷事三佛轉報生天今云最初劫中有十湏彌山塵數佛者爲彼利中更多箇大劫此初大耶爲諸小劫中取小初耶釋曰上引文案定雙開二關次云若就小劫初不應威光一報但遇三佛若就大劫一初刹之中寧有多大釋曰雙釋二關謂人壽二小劫一小劫中有湏彌山塵數佛故不應一報但遇三佛言寧有多大者如一賢劫則無多大次云故知此文最初劫之三字應迴云劫最初仍移此三字於後行出興於

世其字之下卽無過也釋曰此立正理具足迴文合云彼勝音世界中有十湏彌山微塵數如來出興於世其劫最初第一佛號一切功德山湏彌勝雲也此正甚善今不欲繁舉出經之過強以理通最初劫言耳云更有大者義當中劫順靜法意言更有大耳如大賢劫有二十增減爲中劫第十五劫有九百九十四佛出世則一劫中容多佛矣但彼淨劫時長故一劫中有十湏彌山塵數佛矣然不欲斥經不急修行故存畧理通非斥靜法正不當也

其第一佛號一切功德山湏彌勝雲。

疏第二正顯本事中歷事四佛卽爲四別。第一逢一切功德山湏彌勝雲佛。第二波羅密善眼莊嚴佛。第三最勝功德海佛。第四名稱普聞蓮華眼幢佛。各有諸佛子言就初佛中文分爲六。第一總標佛號。第二先瑞熟機。第三正顯佛興。第四毫光警召。第五當機雲集。第六廣演法門。今初也。一切功德山者。福德崇峻不可仰也。復言湏彌者。定慧高妙。難傾動也。言勝雲者。慈覆智潤廣無邊也。諸佛子應知彼佛將出現時一百年前。

疏第二諸佛子下先瑞熟機分二。初現瑞熟機。二其世界中下覩瑞機熟前中三。初標現時謂百年前。

此摩尼華枝輪大林中一切莊嚴周徧清淨所謂出不思議寶燄雲發歎佛功德音演無數佛音聲舒光布網彌覆十方宮殿樓閣互相照曜寶華光明騰聚成雲復出妙音說一切衆生前世所行廣大善根說三世一切諸佛名號說諸菩薩所修願行究竟之道說諸如來轉妙法輪種種言辭。

疏此摩尼下正顯瑞相有其十種於中說前世所

行者示其種子將成熟故佛說名號令憶念故說大行願使修發故說轉法輪使當聽習生法眼故現如是等莊嚴之相顯示如來當出於世疏後現如是下結瑞意也。

其世界中一切諸王見此相故善根成熟悉欲見佛而來道場。

疏二機熟可知。

爾時一切功德山湧彌勝雲佛於其道場大蓮華中忽然出現

疏第三爾時下正顯佛與於中分二初一處道成

二如於下結通廣徧初中先總

其身周普等真法界一切佛利皆示出生一切道場悉詣其所無邊妙色具足清淨一切世間無能映奪具衆寶相一一分明一切宮殿悉現其像一切衆生咸得目見無邊化佛從其身出種種色光充滿世界疏後其身下別別顯勝德畧有十相一示身相法無不在本自普周智與理冥故等彼真界能令色相隨彼融通法界塵毛重重全徧鈔畧有十相者下結云大同經初卽教主難思十身相也初一卽法身經以身智無碍而爲法身便融色相等爲

一法身。以初身爲總故。法無不在本自普周。卽釋經其身周普。是法性身。智與理冥者。釋經等真法界。此是報身。亦如智也。故金光明云。唯如如及如。如智獨存。爲法身故。能令色相下。以真身周故。今應用亦周。吾今此身。卽是常身法身故也。則以三身圓融爲一真法身矣。下九別說。

疏二悲相。不捨因行。無所不生。鈔二悲相。卽意生身。

疏三成相。理行時處。爲一切道場。身智俱游。名爲普詣。鈔三成相。卽菩提身。理行時處。爲道場。並

疏四色相。湛然常住。稱爲妙色。色無邊故。云具足。並無質累。是謂清淨。鈔四色相。卽福德身。故上經云。三世所行衆福大海。悉以清淨。是故妙色爲福之果。上經又云。不可思議大劫海。供養一切諸如來。普以功德施羣生。是故端嚴最無比。

疏五勝相。色容蔽於大衆。威德懾於羣魔。力無畏圓。何能曠奪。鈔五勝相。卽威勢身。

疏六貴相。無邊寶相。圓明可貴。超過聖帝。故曰分明。鈔六貴相。卽相好莊嚴身。且順三乘云。過聖

帝俱舍頌云。相不正圓明。故與佛非等。此釋輪王相。今是世尊。故云分明。實具十蓮華藏微塵數相也。

疏七應相。不往普現。如鏡中像。鈔七應相。卽力持身。如爲龍留影。力持不滅。

疏八無碍相。有感斯見。無隔山河。鈔八無碍相。卽願身。上經云。毘盧遮那佛願力周法界。一切國土中。常轉無上輪。故咸目覩。

疏九者化相。化從真流源無有異。鈔九化相。卽化身。

疏十吉祥相。身智光煥。普稱世間。此上大同經初鈔十吉祥相。卽智身。正在智光旁。兼身光耳。是知此經引昔因緣。亦皆圓妙。

如於此清淨光明香水海華談莊嚴幢湧彌頂上摩尼華枝輪大林中。出現其身。而坐於座。其勝音世界。有六十八千億湧彌山頂。悉亦於彼現身而坐。爾時彼佛。卽於眉間放大光明。

疏第四爾時下毫光警召。文分爲五一放光處。顯中道故。

撰述

華嚴疏錄卷十一

十一

其光名發起一切善根音。

疏二主光名發動宿種。生起新善故。善根有三。二者生福。及不動業。以施忍智三而爲善根。二厭苦求滅。以信等爲根。三求無上慧。以四等不放逸五法爲根。鈔一者生福者。業有三種。一惡業。卽三不善根所生。今所不明。疏列三業。卽三善根所生。三善根者。卽無貪無瞋無痴。今非但不著有境。兼能惠施成無貪根。非唯於苦無恚。兼行忍辱。故成無瞋根。非唯於境明了。增修慧解。是無痴根。有此三根。唯生欲色無色。故爲福不動根。然其三根。依

唯識論。各別有性。善十一攝。無貪以於有。有具無著爲性。無瞋以於苦。苦具無恚爲性。無痴以於諸理事。明解爲性。通唯善慧。別各有性。今依集論第一。以慧爲無痴性。唯識意會。以慧爲無痴之果耳。故施忍二。亦從果名。由無貪瞋。故成施忍。所以疏云。以施忍慧。以爲其根。二信等根。下當廣說。三求無上者。涅槃經云。皆歎慈悲爲菩薩根。謂有慈悲心。必湏喜捨。不放逸者。卽是精進無貪等三。於所斷修防。非爲性。假立爲一。故涅槃說。不放逸根。根深難拔。由不放逸策前四等。得一切智。故爲根也。

○疏通說善根。以依聖教發心爲性。故云音也。鈔
四通說善根下。卽上三類之通性也。

十佛刹微塵數光明而爲眷屬。

疏三眷屬數無盡法故。

充滿一切十方國土。

疏四照分齊。充滿十方。通方教故。

若有衆生應可調伏。其光照觸。卽自開悟。息語惑熱。
裂諸蓋網。摧諸障山。淨諸垢濁。發大信解。生勝善根。
永離一切諸難恐怖。滅除一切身心苦惱。起見佛心。
趣一切智。

疏五若有下。明光勝益。文有十句。一。無明重者。自
覺智開。二。煩惱深者。息現行惑。三。勤修難出。製五
蓋網。四。三障重者。摧諸障山。五。未解脫者。淨心垢
種。六。未信大者。發起入住。七。闕資糧者。生其勝善。
八。未入地者。除五怖畏。九。色累功用。滅身心苦。十
滯無生者。見佛趣果。鈔無明重下。先別釋。初四
離障。五令解脫。通益三乘。六未信令信。七令入三
賢。八令得初地。九令二地已上。得於八地。十已在
八地。已證無生。諸佛勸起。令得九十二地。
疏此約差別對治。以釋若約橫配。生善見理。可以

準思。鈔此約差別下二結釋。差別結上明是豎
釋對治結上非三悉檀若約橫配下更結異門。橫
對前豎位位通用此十句故。生善見理對上對治
生善卽是爲人悉檀。謂發大信解。生勝善根。起見
佛心皆生善也。見理卽第一義悉檀。如自覺智開
趣一切智。皆見理也。亦應合有隨俗令喜世界悉
檀。以益近故。此中不說橫豎無碍。是此中意。四悉
檀義。問明當辨。

時一切世間主。并其眷屬。無量百千蒙佛光明所開
覺故。悉詣佛所頭面禮足。

疏第五當機雲集中文二先通顯諸王雲集致敬
諸佛子。彼燄光明大城中有王名喜見善慧統領百
萬億那由他城。

疏後諸佛子下別彰諸王雲集儀式於中分二。先
廣明喜見後畧列諸王。今初卽正出本事之緣。文
分爲六第一標名辯統。二總辯眷屬。三威光得益。
四偈讚如來。五父王宣誥。六俱行詣佛。初文可知。
夫人嫁女三萬七千人福吉祥爲上首。王子五百人
大威光爲上首。大威光太子有十千夫人妙見爲上
首。

疏第二夫人下總顯眷屬者有德曰夫人有色曰
姝女王子別本云二萬五千者別梵本也按瓔珞
本業經上卷云十住銅輪寶瓔珞百福子爲眷屬
生一佛土受佛學行教化二天下銀輪寶瓔珞五
百子金輪一千子初地四天王萬子二地忉利天
王二萬子三地已上乃至淨居天王但云眷屬亦
如是故知無過二萬子者若三界王卽當等覺又
以一切菩薩爲眷屬按喜見所統但以城言又見
佛典至第三佛方云去世五百銀輪斯爲正也或
約教異理亦可通上首云大威光者有大威德其

道光明故鈔按瓔珞等下引經釋成五百爲正
二萬五千爲非於中先奪破言上卷卽第三賢聖
觀品彼中敬首菩薩問云何菩薩學觀名字義相
及心所行法復當云何佛先答名字卽列三賢十
聖等妙之名次答心所行法云佛子汝先言云何
心所行法者所謂十心一發心住等廣釋三賢十
聖等妙之相次敬首菩薩復問世尊從初地至後
一地有果報神變二種法身一法性法身二應化
法身爲何色相爲何心相佛答中先答出世間果
報者從初地至佛地各有二種法身於第一義諦

法流水中。從實性生。故實智爲法身。法名自體集
藏爲身等。兼說淨土。次云佛子。世間果報者。所謂
十住銅寶瓔珞。銅輪王。百福子爲眷屬。生一佛土。
受佛學行。教化二天下。銀寶瓔珞。銀輪王。五百福
子爲眷屬。生二佛土。受佛教行。化三天下。金剛寶
瓔珞。金輪王。千福子爲眷屬。入十方佛土。化一切
衆生。生處四天下。歡喜地。百寶瓔珞。七寶相輪。四
天王萬子爲眷屬。現百法身。百佛土。教十方天子。
千寶瓔珞。八寶相輪。忉利王。二萬子爲眷屬。萬寶
相瓔珞。九寶相輪。炎摩天王。眷屬亦然。不可稱數。

億寶瓔珞。十寶相輪。兜率陀天王。眷屬亦然。不可
稱數。天光寶瓔珞。十一寶相輪。化樂天王。眷屬亦
然。摩尼寶光瓔珞。十二寶相輪。他化天王。眷屬亦
然。千色龍寶光慧瓔珞。十三寶相輪。梵天王。眷屬
亦然。梵師子寶光瓔珞。大應寶相輪。光明天王。眷
屬亦然。不可思議寶光瓔珞。白雲寶相輪。淨天王。
眷屬亦然。百萬神通寶光瓔珞。無畏珠寶相輪。淨
居天王。眷屬亦然。千萬天色寶光瓔珞。覺德寶光
瓔珞。千福相輪。法界王。一生補處菩薩爲眷屬。佛

子是上瓔珞相輪。一切佛及菩薩。動止俱遊。常隨其身。亦化一切衆生。故有如是果報之數法。釋曰。已上具引經文於疏易了。明知無過二萬子者。按喜見下。以二義證唯合五百。一所統但統於城。不統四天下。故非金輪。二既遇三佛。佛出滅劫。輪王出增劫。故知非也。

爾時大威光太子見佛光明已。以昔所修善根力故。即時證得十種法門。

疏第三爾時下。威光得益。文分爲二。先舉因總標。何謂爲十。所謂證得一切諸佛功德輪三昧。

疏後何謂下。列益名體皆從勝用標名。一佛德圓滿。摧障稱輪。定中能知。故受斯稱。

證得一切佛法普門陀羅尼。

疏二。此總持能持諸佛普法。

證得廣大方便藏般若波羅蜜。

疏三。卽空涉有。名爲方便。斯則權實雙行。爲不共

般若。稱體用之廣大。

證得調伏一切衆生大莊嚴大慈。

疏四。以二嚴調伏真實慈也。

證得普雲音大悲。

撰述

華嚴疏錄卷十一

十一

卷

疏五法雲震音能拔苦本。

證得生無邊功德最勝心大喜。

疏六稱理法喜故德無邊自他俱慶心爲最勝。
證得如實覺悟一切法大捨。

疏七知離名法法亦應捨如實捨也。鈔知離名
法者卽思益經第一思益梵天問言世尊云何名
爲菩薩徧行佛言能淨身口意業爾時世尊而說
偈云若身淨無惡口淨常實語心淨常行慈是菩
薩徧行行慈不貪著觀不淨無恚行捨而不痴是
菩薩徧行在聚落空野及與處大衆威儀終不轉。

是菩薩徧行知法名爲佛知離名爲法知無名爲
僧是菩薩徧行釋曰此當第四偈因便故來欲釋
此偈令知起盡故以此一偈人多解釋今觀經意
三箇知字皆是觀行之人若能如是知是菩薩徧
行知法名爲佛者卽是真佛法身如來佛卽是法
法卽是佛亦猶如來者卽諸法如義次應問言法
卽是佛於義已解何者是法故次句云知離卽是
法以一切法本性離故心體離念卽是覺故次應
問云法本自離則無所修何得有僧故次解云知
無名爲僧無爲卽法法本自離由知無爲故得成

僧故大品云。由知諸法空。分別有湏菩提等。金剛經云。一切聖賢皆以無爲法而有差別。謂俱學無爲。有淺有深。乃成差別。非無爲法而有差別也。今疏正取知離名法。若不捨法。非知離也。故云法亦應捨。卽金剛意。法尚應捨。何況非法。因法得悟。如筏渡人。若不捨法。如住舟內。要捨於舟。方至彼岸。要忘所捨。方爲如實覺。悟諸法爲真捨也。故大般若云。般若甚深。知一切法本性離故。又文殊釋云。如佛世尊。堪受供養。以於一切法覺實性故。是故經云。如實覺。一切法大捨。

證得廣大方便平等藏大神通。

疏八善巧起用。平等無思。通從此生。故名爲藏。證得增長信解力大願。

疏九盡衆生界。荷負無疲。要令信解爲大願也。證得普入一切智光明辯才門。

疏十所有辯才。皆入佛智。自他俱照。是曰光明。此上十法。初三功德法。次四熏修法。後三起化法。多言大者。境界無邊。稱性廣大。智契貫達。並受證名。爾時大威光太子。獲得如是法光明已。承佛威力。普觀大衆。而說頌言。

疏第四偈讚如來文分爲二先說偈之由。

世尊坐道場清淨大光明譬如千日出普照虛空界無量億千劫導師時乃現佛今出世間一切所瞻奉疏後正陳偈讚十偈分三初二示佛出現既滅闇難遇不可失時。

汝觀佛光明化佛難思議一切宮殿中寂然而正受汝觀佛神通毛孔出燄雲照曜於世間光明無有盡汝應觀佛身光網極清淨現形等一切徧滿於四方妙音徧世間聞者皆歡樂隨諸衆生語讚歎佛功德世尊光所照衆生悉安樂有苦皆滅除心生大歡喜。

疏次五令觀佛德有德有慈真可歸也。

觀諸菩薩衆十方來萃止悉放摩尼雲現前稱讚佛道場出妙音其音極深遠能滅衆生苦此是佛神力一切咸恭敬心生大歡喜共在世尊前瞻仰於法王疏後三引例勸歸無遠不歸固宜往見。

諸佛子彼大威光太子說此頃時以佛神力其聲普徧勝音世界時喜見善慧王聞此頌已心大歡喜觀諸眷屬而說頌言。

疏第五父王宣誥文分爲二初宣誥所因以聞讚故太子道深親承佛益王機猶淺轉假他聞。

汝應速召集。一切諸王衆。王子及大臣。城邑宰官等。普告諸城內。疾應擊大鼓。共集所有人。俱行往見佛。一切四衢道。悉應鳴寶鐸。妻子眷屬俱。共往觀如來。疏二正以偈告。偈有十一分之爲三。初三集衆勸觀。

一切諸城郭。宜令悉清淨。普建勝妙幢。摩尼以嚴飾。寶帳羅衆網。妓樂如雲布。嚴備在虛空處。處令充滿。道路皆嚴淨。普雨妙衣服巾。馭汝寶乘。與我同觀佛。各各隨自力。普雨莊嚴具。一切如雲布。徧滿虛空中。香燄蓮華蓋。半月寶瓔珞。及無數妙衣。汝等皆應雨。

湧彌香水海上。妙摩尼輪。及清淨栴檀。悉應雨滿空。衆寶華瓔珞莊嚴淨無垢。及以摩尼燈。皆令在空住。疏次七勅令辦供。鄭註禮云。巾猶衣也。謂以繒綵衣帶縛於車。廣雅云。馭駕也。餘並可知。

一切持向佛心。生大歡喜。妻子眷屬俱。往見世所尊。疏後一偈勸齋供佛。

爾時喜見善慧王。與三萬七千夫人。妓女俱。福吉祥。爲上首。五百王子俱。大威光爲上首。六萬大臣俱。慧力爲上首。如是等七十七百千億那由他衆。前後圍繞。從燄光明大城出。以王力故。一切大衆。乘空而往。

0 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

諸供養具。徧滿虛空。至於佛所。頂禮佛足。却坐一面。
疏第六俱行詣佛。初導從持供。後至而設敬。

復有妙華城善化幢天王。與十億那由他眷屬俱。復有究竟大城淨光龍王。與二十五億眷屬俱。復有金剛勝幢城猛健夜叉王。與七十七億眷屬俱。復有無垢城喜見乾闥婆王。與九十七億眷屬俱。復有妙輪城淨色思惟阿修羅王。與五十八億眷屬俱。復有妙莊嚴城十力行迦樓羅王。與九十九千眷屬俱。復有遊戲快樂城金剛德緊那羅王。與十八億眷屬俱。復有金剛幢城寶稱幢摩睺羅伽王。與三億百千那由

他眷屬俱。復有淨妙莊嚴城最勝梵王。與十八億眷屬俱。如是等百萬億那由他大城中所有諸王。并其眷屬悉共往詣一切功德湧彌勝雲如來所。頂禮佛足。却坐一面。

• 疏第二復有妙華下略列諸王文易可知

時彼如來爲欲調伏諸衆生故。於衆會道場海中說普集一切三世佛自在法修多羅。世界微塵數修多羅而爲眷屬。隨衆生心。悉令獲益。

疏第六時彼如來下廣演法門。文分爲五一。佛轉法輪二威光獲益。三以偈讚述。四傳化衆生。五佛

加贊勵。今初也。佛解脫用。主敎宣示。刹塵眷屬。隨機益殊。

是時大威光菩薩聞是法已。卽獲一切功德湧彌勝雲。佛宿世所集法海光明。

疏第二。是時大威下得益中。初總後別。總中上說三世佛法。卽佛昔所集也。旣見佛得益轉受菩薩之名。

所謂得一切法聚平等三昧智光明。

疏所謂下別智。卽是體光明語用。所照境殊。故疏分十一。初一深定智明。一切法聚。畧有三義。一正

定等三。二善惡等三。三總收一切。不出有爲無爲二種法聚。二位相收。一味性現。故云平等定中證此。名彼三昧。鈍智卽是體者。智體如日。用如日光。日體雖一。能放千光。智體不殊。能照萬境。又日光無二。所照物殊。智光無差。隨境分照。一正定等三者。謂等取邪定不定聚。故善惡等者。等取無記三總收爲二。四二位下融而爲一。

一切法悉入最初菩提心中住智光明。

疏二大心智明。謂後後因果。皆入初心。畧有三義。一後因初得。故言一切悉入。若修途至在初步學。

者祿在其中。二菩提直心正念真如真如門內攝一切法。三者三德開顯前後圓融初發心時便成正覺故。鈔謂後後因果等者總釋也。六位相望故成後後五位爲因。妙覺爲果。又五位之中亦有因果。如十地中調柔果等若修途者卽肇公不遷論也。論云是以如來功流萬世而常存道通百劫而彌固成山假就於始蕡修途托至於初步者果以功業不可朽故也。彼論意云物各性住故無往來今雖引文用意少別此言本出莊子千里之途在於足下其猶滔滔之水本於濫觴合抱之木生

如無二通爲諸法之體。今菩提心正念真如故能攝也。三者三德開顯下。卽別教一乘圓融義也。不同餘宗言三德開者。卽發心功德品。初發心時。得如來一身無量身。則法身開顯。得究竟智慧。得一切智慧光明。則般若開顯。不於諸法少有所得。卽解脫開顯。以心離妄取。寂照雙流。故此心中無德不攝。因該果海。並此初心。初發心時。便成正覺。卽梵行品文言。初後圓融者。以初是卽後之初。後是卽初之後。以緣起法離初無後離後無初。故舉初攝後。若約法性融通。一切因果不離心性。契同心十方法界普光明藏清淨眼智光明。

疏三大智智明法界者。所照之體大也。普光明者。卽相大也。智慧光明徧照法界義。故蘊恒沙性德。故名爲藏。妄惑本空。故云清淨。明見稱眼。見性肉眼。卽同佛眼。鈔三大智智明者。經中清淨眼是

撰述

華嚴疏錄卷十一

三

四

總相此眼何見。見心三大疏中屬經。唯配二大畧。無用大用。卽智攝。故從智慧光明徧照法界義。故者。卽暗引起信證。普光明爲相大義。此卽起信釋生滅門中所顯義。大雙明體相之文論云。復次真如自體相者。一切凡夫聲聞緣覺菩薩諸佛無有差別。非前際生。非後際滅。畢竟常住。釋曰。上釋體大今不引之。以法界爲體義易知故。論云。從本已來性自滿足。一切功德所謂自體有大智慧光明義。故徧照法界義故。真實識知義故。自性清淨心義故。常樂我淨義故。清涼不變自在義故。釋曰。上

之六句皆是相大。一本覺智明義。二本覺顯照諸法義。三照時無倒義。四體離惑染義。五性德圓備義。六性德無遷義。今不引後四而引前二。有智徧照證以普光明爲相大義。恐人以法界爲所照。普光明爲能照。故引此文。相大本有。則皆所照。以淨入眼智明爲能照耳。從蘊恒沙下釋經藏字。具二藏義。蘊恒沙德。卽不空藏。妄惑本空。卽是空藏。故清淨言。向上屬所觀之藏。向下屬能見之眼。無障蓋故。言見性肉眼。卽名佛眼者。卽涅槃第六經云。善男子。聲聞之人。雖有天眼。故名肉眼。學大乘者。雖

有肉眼乃名佛眼何以故是大乘經名爲佛乘。如此佛乘最上最勝諸佛見性故。

觀察一切佛法大願海智光明。

疏四大願智明知諸佛法願爲本故。

入無邊功德海清淨行智光明。

疏五大行智明無邊果德此行入故。

趣向不退轉大力速疾藏智光明。

疏六速疾智明謂趣入無生功用不退無功大力一行含多受斯稱也。鈔無功大力者由八地得無功用如乘船入海故云大力速疾言一行含多

者先以一身起行至此八地以無量身起行一
行中起一切行故。

法界中無量變化力出離輪智光明。

疏七神通智明三輪幹事出離不能。

決定入無量功德圓滿海智光明。

疏八大福智明照福嚴故。

了知一切佛決定解莊嚴成就海智光明。

疏九大解智明謂佛勝解力成莊嚴海。

了知法界無邊佛現一切衆生前神通海智光明。

疏十佛用智明普周法界。

了知一切佛力無所畏法智光明。

疏十一佛德智明降魔制外後三佛境故但了知餘可證知故得云入鈔餘可證知者智論三十云通徹名入人亦證也得者獲之在已也爾時大威光菩薩得如是無量智光明已承佛威力而說頌言。

疏第三以偈讚述文分二別先因後偈。

我聞佛妙法而得智光明以是見世尊往昔所行事。

疏偈中分三初一標益體用。

一切所生處名號身差別及供養於佛如是我咸見

往昔諸佛所一切皆承事無量劫修行嚴淨諸利海捨施於自身廣大無涯際修治最勝行嚴淨諸利海耳鼻頭手足及以諸宮殿捨之無有量嚴淨諸利海能於一一刹億劫不思議修習菩提行嚴淨諸利海普賢大願力一切佛海中修行無量行嚴淨諸利海如因日光照還見於日輪我以佛智光見佛所行道。

疏次八顯用所見於中前七見因

我觀佛利海清淨大光明寂靜證菩提法界悉周徧疏後一見果。

我當如世尊廣淨諸利海以佛威神力修習菩提行

疏三一偈發願思齊卽前品初修治大願也。諸佛子時大威光菩薩以見一切功德山湏彌勝雲佛承事供養故於如來所心得悟了。

疏第四傳化衆生文分爲三初明自悟。

爲一切世間顯示如來往昔行海顯示往昔菩薩行方便顯示一切佛功德海顯示普入一切法界清淨智顯示一切道場中成佛自在力顯示佛力無畏無差別智顯示普示現如來身顯示不可思議佛神變顯示莊嚴無量清淨佛土顯示普賢菩薩所有行願疏二爲一切下明轉悟他顯示十法與前自得十

一有同有異文並可知。

令如湏彌山微塵數衆生發菩提心佛利微塵數衆生成就如來清淨國土。

疏三令如湏彌山下利他之益。

爾時一切功德山湏彌勝雲佛爲大威光菩薩而說頌言。

善哉大威光福藏廣名稱爲利衆生故發趣菩提道汝獲智光明法界悉充徧福慧咸廣大當得深智海一刹中修行經於利塵劫如汝見於我當獲如是智疏第五如來讚勵中偈有十一初三讚發心得法。

大果當成。

非諸劣行者能知此方便獲大精進力。乃能淨利海。一一微塵中無量劫修行。彼人乃能得莊嚴諸佛利。爲一一衆生輪迴經劫海。其心不疲懈。當成世導師。供養一一佛。悉盡未來際。心無耄疲厭。當成無上道。

疏次四對劣顯勝進者圓德。

三世一切佛當共滿汝願。一切佛會中汝身安住。彼一切諸如來誓願無有邊。大智通達者能知此方便。

疏次二外加內智。決證無疑。

大光供養我故獲大威力。令塵數衆生成熟向菩提。

諸修普賢行大名稱菩薩。莊嚴佛刹海法界普周徧。疏後二舉一例餘行者卽得。初逢一切功德山。佛已竟。

諸佛子汝等應知彼大莊嚴劫中有恒河沙數小劫。入壽命二小劫。諸佛子。彼一切功德湧彌勝雲佛壽命五十億歲。

疏第二遇第二佛文分爲二。先結前生後二正顯佛典。今初謂將說後佛。故總論劫壽明多小劫者。欲顯多佛現故說人壽佛壽者。由佛壽促而人壽長。故得威光一生歷事三佛。

彼佛滅度後。有佛出世。名波羅蜜善眼莊嚴王。亦於彼摩尼華枝輪大林中而成正覺。

疏二。彼佛滅下。顯佛興文分爲五一。明滅後佛興二覩相獲益三讚德勸詣四眷屬同歸五聞經悟入今初也。此中佛名謂智導萬行皆到彼岸見性了了故名善眼果由因飾是曰莊嚴。

爾時大威光童子見彼如來成等正覺現神通力疏二爾時下。威光覩相獲益中二先覩相卽獲益之由也。

卽得念佛三昧名無邊海藏門。

疏二卽得下。正獲益也。先列後結列有十種。一念佛三昧者。菩薩之父故首明之乃至十地不離念佛。鈔菩薩之父者。卽智論文論云。菩薩以般若波羅蜜爲母。般舟三昧爲父。般舟卽念佛。此翻爲佛立三昧。良以念佛卽真涉事與方便同故。得稱父。又念佛成佛是親種故。言乃至十地不離念佛者。十地之中皆云一切所作不離念佛念法念僧等。

疏無邊海藏門者。蘊積名藏深廣稱海。然畧有三義。一由此定中見多佛故。下文云。以佛爲境界專

念而不捨。是人得見佛。其量與心等。由念能見。所以稱門二。一一佛德。是無邊海藏。由念能知。所以稱門云。何無邊海。劫海所修。有行願海。成就色身。有相好海。成就智身。有辨才海。建立念處。有名號。諸海。修諸助道。有功德海。安處衆生。有淨利海。如是諸海。一一無邊。各各出生。蘊積名藏。三無邊勝德。由念佛生。故此一門。深廣蘊積。何者。念佛性身。則契如理念功德身。成無邊德。念相好身。證無邊相障。無不滅。德無不生。一言蔽諸。總由念佛。從此通悟。所以稱門。卽此一門。說不可盡。鈔障無不滅。

下結歎故賢護經中廣列諸德。以徵其因。佛答皆從念而生。一言蔽諸者。卽論語子曰詩三百。一言以蔽之。曰思無邪。謂歸於正也。念一佛號。亦名一言。直取一言。只一佛字。故自四祖禪要。唯稱佛言耳。

卽得陀羅尼。名大智方法淵。

疏二。總持大智能達深法。

卽得大慈。名普隨衆生調伏度脫。

疏三。無緣普應。

卽得大悲。名徧覆一切境界雲。

疏四等除熱惱。

卽得大喜。名一切佛功德海威力藏。

疏五佛深德海蘊積力用。菩薩緣此喜偏身心。

卽得大捨。名法性虛空平等清淨。

疏六悲則心感。喜便浮動。深契法性。則曠若虛空。

悲喜兩亡。爲平等清淨。

卽得般若波羅蜜。名自性離垢法界清淨身。

疏七般若者。覺法實性離分別也有可離者。非真離也。知自性離不復離也。無離之離。卽真法界。真法界者。本來清淨。法界清淨。卽般若清淨。般若清

淨。則萬法本淨。萬法淨者。無淨無不淨爲真淨也。實相般若爲萬法之體。觀照冥此衆德攸依。故云身也。鈔覺法實性離分別也者。此總釋一門。亦當別釋。自性離垢之言。卽大般若曼殊室利分中。慈氏菩薩云。若諸菩薩聞是甚深般若。心不沉沒。已近無上正等菩提。何以故。是諸菩薩現覺法性離一切分別。如大菩提故。今此般若亦覺法自性。名自性離離字兩向。向上屬自性離。向下屬離垢。卽離分別之垢也。從有可離下別釋經文成上總釋。有可離者非真離也。反釋初句成上性離知自

性離不復離也者順釋初句成上離分別言不知性離謂有可離卽是分別今知性離知相卽寂故無分別無離之離者卽躡上釋下法界言也正同起信所言覺者謂心體離念離念相者等虛空界無所不徧法界一相卽是如來平等法身法身卽真法界本來清淨者躡上法界釋清淨言既自性離是真法界則本自淨非觀令淨非去垢淨是故經云法界清淨法界清淨者卽以上義成此般若得清淨名此有二意一由體法界方成般若故此般若受法界清淨之名二者性無二故故大般若

難信解分云復次善現般若波羅蜜多清淨故色清淨色清淨故一切智智清淨何以故若般若波羅蜜多清淨若色清淨若一切智智清淨無二無二分無別無斷故名無二性般若清淨者亦有二義一以般若照一切法知本淨故二者亦是性無二故義同上引般若清淨則色清淨徧歷諸法界舉八十餘科謂五蘊十二入十八界四諦十二緣六波羅蜜乃至菩提涅槃皆如色說故萬法本淨萬法淨者下拂其淨相夫言淨者顯法本無生性寂諸相故名爲淨豈待蕩蕩無物方稱淨耶非但

事無非爲真淨。見真本淨。事爲非淨。亦是相待能所未忘。安得稱淨。故真善知識令看淨門云。性本清淨。淨無淨相。方見我心。卽斯義矣。故淨名云。垢淨爲二。見垢實性。則無淨相。離於見相。是爲入不二法門也。下經云。若有見正覺。解脫離諸漏。不着一切世。彼非正道眼。若有知如來體。相無所有。修習得明了。是人疾作佛。實相般若下。釋經身字。身有三義。謂體依聚義。今實相般若。則法身之體。觀照般若。同報身之依化。身名聚。淺故不說。則眷屬般若。亦得名身。同聚義故。

卽得神通名。無礙光普隨現。

疏八。通用智俱。故無礙隨現。

卽得辨才名。善入離垢淵。

疏九。入法之深離說之垢。

卽得智光名。一切佛法清淨藏。

疏十。智照佛法。淨所知障。含藏衆德。

如是等十千法門。皆得通達。

言釋前卽得。
疏二。如是下。結中明歷事增進。故云十千。通達之。

爾時大威光童子。承佛威力爲諸眷屬而說頌言。

釋迦

華嚴疏錄卷十一

正

不可思議億劫中。導世明師難一遇。此土衆生多善利。而今得見第二佛。

疏第三爾時下。讚德勸詣文分爲二。初說偈。後偈益偈中分三。初一偈歎希慶遇。

佛身普放大光明色。相無邊極清淨。如雲充滿一切土處。處稱揚佛功德。

光明所照咸歡喜。衆生有苦悉除滅。各令恭敬起慈心。此是如來自在用。

出不思議變化雲。放無量色光明網。十方國土皆充滿。此佛神通之所現。

疏二有七偈歎佛勝德。於中三初三身業。

一一毛孔現光雲。普偏虛空發大音。所有幽冥靡不照。地獄衆苦咸令滅。

如來妙音徧十方。一切言音咸具演。隨諸衆生宿善力。此是大師神變用。

無量無邊大海衆佛。於其中皆出現。普轉無盡妙法輪。調伏一切諸衆生。

疏次三語業。

佛神通力無有邊。一切刹中皆出現。善逝如是智無礙。爲利衆生成正覺。

00

1 2 3 4 5 6 7 8 9 80 1 2 3 4 5 6 7 8 9 90

疏後一意業。

汝等應生歡喜心。踊躍慶樂極尊重。我當與汝同詣彼。若見如來衆苦滅。

發心迴向趣菩提慈念一切諸衆生。悉住普賢廣大願。當如法王得自在。

疏三有二偈勸眾同歸。

諸佛子。大威光童子說此頌時。以佛神力。其聲無礙。一切世界皆悉得聞。無量衆生發菩提心。

疏後諸佛子下。偈益可知。

時大威光王子。與其父母并諸眷屬。及無量百千億

那由他衆生前後圍繞寶蓋如雲。徧覆虛空。共詣波羅蜜善眼莊嚴王如來所。

疏第四時大威光下。眷屬同歸。

其佛爲說法界體性清淨莊嚴修多羅。世界海微塵等修多羅而爲眷屬。

疏第五其佛下。聞經悟入。文分爲三。初佛爲說經

二當機獲益。三如來讚述。今初主經。法界體性。大方廣也。清淨佛也。莊嚴卽華嚴也。有多眷屬者。顯此教圓。

彼諸大衆。聞此經已。得清淨智。名入一切淨方便得

撰述

華嚴疏錄卷十一

於地名離垢光明。得波羅密輪。名示現。一切世間愛樂莊嚴。得增廣行輪。名普入。一切刹土無邊光明。清淨見得趣向行輪。名離垢福德雲光明幢。得隨入證輪。名一切法海廣大光明。得轉深發趣行。名大智莊嚴。得灌頂智慧海。名無功用修極妙見。得顯了大光明。名如來功德海。相光影徧照。得出生願力清淨智。名無量願力信解藏。

疏二。彼諸下當機獲益。亦有十益。旣云大衆。或一人得一。或二三四。或具十者。威光先證。故畧不標。大衆之言。亦已含矣。故下佛讚。然此十事。略爲二。

釋。一者如次配於十地十度。或取地義。或取度義。一者達一切法本來清淨。名清淨智。不取淨相。是名方便。卽初地入證之智也。二則二地離破戒垢。是所除障。照諸善品。卽戒光明。三卽忍度。忍爲上嚴。一切愛樂。四無利不入無法不照。無見不淨。是爲精進。增廣種行。約地義釋。以諸道品燒無盡惑。成無邊光。五趣向諸行。能入俗也。禪度增故。性能離垢。涉俗化物。成福德雲。不迷實理。爲光明幢。六般若現前。名隨入證。照深緣起。名法海光。七功用已遠。將入無功。爲深發趣。權實無碍。爲大莊嚴。八。

見法實性無功而修爲極妙見。由此智慧復得灌頂。故仁王經云。後之三地同遣無明。同無功用。故非灌頂地。是灌頂智。九顯了藥病。是功德海。相辨才徧應。若月影流光。十智圓離障。方於佛願而生信解。故曰出生。鈔故仁王者。卽教化品中第八名等觀菩薩偈云。等觀菩薩二禪王。變化法身無量光等。九地云。慧光開士三禪王。十地云。灌頂菩薩四禪王。後都頌上三地云。等慧灌頂三品士。除前餘習。無明緣無明習。相故煩惱。二諦理窮。一切盡。釋曰。旣牒三地。除無明習。是故疏云。同遣無明。

非灌頂地。下義釋彼經灌頂地者。自當第十故云非灌頂地。然十地亦用遣無明習。無功用智。而得灌頂。故云是灌頂智。

疏二者。此上十門。隨一一事以立其名。未必全將配於地位。或通配諸位。或復不次以人無量。隨詮不同。普賢巧說。故文含多義。

時彼佛爲大威光菩薩而說頌言。

善哉功德智慧海。發心趣向大菩提。汝當得佛不思議。普爲衆生作依處。

汝已出生大智海。悉能徧了一切法。當以難思妙方。

廣說

華嚴疏錄卷一

三

四

便入佛無盡所行境。

已見諸佛功德雲。已入無盡智慧地。諸波羅蜜方便海。大名稱者當滿足。

已得方便總持門。及以無盡辨才門。種種行願皆修習。當成無等大智慧。

汝已出生諸願海。汝已入於三昧海。當具種種大神通。不可思議諸佛法。

究竟法界不思議。廣大深心已清淨。普見十方一切佛。離垢莊嚴衆利海。

疏第三時彼下。如來讚述。十頌分二。前六讚其已

具勝德。當成極果。皆前半已獲。後半當證。獨第四偈三句是因。

汝已入我菩提行。昔時本事方便海。如我修行所淨治。如是妙行。汝皆悟。

我於無量一一利種種供養諸佛海。如彼修行所得果。如是莊嚴汝咸見。

廣大劫海無有盡。一切利中修浮行。堅固誓願不可思。當得如來此神力。

諸佛供養盡無餘。國土莊嚴悉清淨。一切劫中修妙行。汝當成佛大功德。

0 1 2 3 4 5 6 7 8 9 10 1 2 3 4 5 6 7 8 9 10

疏後四偈行齊佛因。當如佛證。皆三句舉佛行。後一句齊佛德。然此中述讚。皇前遇光得益。及向大衆所得。多有相同。義必述上。可以意消息之。

諸佛子。波羅蜜善眼莊嚴王。如來入涅槃已。喜見善慧王尋亦去世。大威光童子受轉輪王位。

遇第三佛。文分爲六。一如來出時。前佛滅後等時也。

彼摩尼華枝輪大林中。第三如來出現於世。名最勝功德海。

疏二。彼摩尼下。正明現世立斯號者。功德海滿無

時大威光轉輪聖王見彼如來成佛之相。與其眷屬。及四兵衆。城邑聚落一切人民。并持七寶。俱往佛所。以一切香摩尼莊嚴大樓閣奉上於佛。

疏三時大威光下。威光往供。

時彼如來於其林中說菩薩普眼光明行修多羅。世界微塵數修多羅而爲眷屬。

疏四時彼如來下佛爲說經。見普法故。名爲普眼。以慧爲性。故曰光明。况一眼卽十眼融無障礙。眼外無法。方直普眼。以諸緣發見。卽緣名爲根。因沒

果中緣皆號眼。故全色爲眼。恒見色而無緣。全眼爲色。恒稱見而非我矣。鈔見普法者。此釋經名。而有三義。一約所見稱普。言普法者。一具一切。一稱性。同時具足等。斯卽十眼之內。一眼之能。經云。一切智眼。見普門法界故。二况一眼者。約能見稱普。如五眼中佛眼。四眼入佛眼皆名佛眼。如四河入海。無復河名。而具河味。故金剛經云。如來有肉眼。不如是世尊。如來有佛眼。今十眼亦爾。隨一具眼。不。如是世尊。如來有肉眼。乃至云。如來有佛眼。不。如是世尊。如來有佛眼。今十眼亦爾。隨一具十。而諸教唯佛眼具五餘四則無。今因果之人皆

許一眼卽具十眼。不唯後勝具於前劣。若一不具十。則非普眼。言十眼者。離世間品。說謂一肉眼。二天眼。三慧眼。四法。五佛。六智。七光明。八出生死。九無碍。十一切智。其融無碍。則有二義。一者成上十眼無碍。二者成下。卽能所無碍。三眼外無法下。約心境互收。方稱普眼。此上標也。諸緣下別釋。所以如大乘法師。以九緣發識。眼根名眼。餘不名眼。今則例之。眼根能發識。眼根得名眼。空明能發識。亦得同名眼。餘六例然。以緣起之法。各有有力無力。相成立。故次云。因沒果中。緣皆號眼者。九緣並是。

因見色得名眼。九緣皆見色。沒果同名眼。以皆全有力故。言全色爲眼。恒見色者。色是所緣之境。眼是能緣之根。今卽是眼。故無緣也。全眼爲色者。眼是我能見。今全爲色。正見之時。卽非我也。此卽賢首之意。下更有言。云非我離於情想。無緣絕於貪求。收萬像於目前。全十方於眼際。是以緣義無盡。隨見見而不窮。物性叵思。應法法而難準。法普卽眼普。義通乃見通。體之自隱隱照之遂重重然。後窮十方於眼際。鏡空有而皎明。收萬像以成身。顯事理而通徹也。

爾時大威光菩薩聞此法已。得三昧名大福德普光明。得此三昧故悉能了知一切菩薩一切衆生過現未來福非福海。

疏五爾時下威光得益。五度皆福。定爲最大。寂無不照。名普光明。得此已下彰其定用。福非福言略。有二意。一福卽是善。非福是罪。二福卽是相。非福卽性。雙了性相。故經云。福德卽非福德性。此卽深也。了一切者廣也。故有海言。遇於初佛但得十者。自力未勝故。次佛十千者。道轉深故。今唯一者。道已滿故。鈔五度皆福者。然六波羅蜜攝成二嚴。

總有兩意。一前五爲福。後一爲智。二者前三唯福。後一唯智。進定通二成前爲福。成後屬智。今以經中云得三昧名大福德。故用前門。福卽是善者。卽百論捨罪福品意。故論引金剛福尚應捨。何況非福。以善捨惡。以無相智捨福。則善惡兩忘。今云了者一了其相。二了體空。三了無碍。二福卽是相下。卽以世諦說福。第一義中福亦不存。故引金剛如來說福德相。隨俗說也。卽非福德相。當體空寂。是名福德相。結正義也。若福卽非福。方名真福。若以福爲福。非真福也。有人以第三句亦約俗諦。非得時。彼佛爲大威光菩薩而說頌言。

善哉福德大威光。汝等今來至我所。愍念一切衆生海。發勝菩提大願心。

汝爲一切衆生起大悲心。令解脫。當作羣迷所依怙。是名菩薩方便行。

若有菩薩能堅固修諸勝行。無厭怠。最勝最上無礙解。如是妙智。彼當得。

福德光者。福幢者。福德處者。福海者。普賢菩薩所有願。是汝大光能趣入。

疏第六時彼佛下如來記別。十一偈分四初四顯具菩提心。謂初有願次偈有悲。四有智光三兼精進通策三心故菩提心圓當成妙智。

汝能以此廣大願入不思議諸佛海諸佛福海無有邊汝以妙解皆能見。

汝於十方國土中悉見無量無邊佛。彼佛往昔諸行海如是一切汝咸見。

若有住此方便海必得入於智地中此是隨順諸佛學決定當成一切智。

汝於一切利海中微塵劫海修諸行一切如來諸行

海汝皆學已當成佛。

疏次四上入佛境。

如汝所見十方中一切利海皆嚴淨汝利嚴淨亦如是無邊願者所當得。

疏三有一偈示其果相得同諸佛。

今此道場衆會海聞汝願已生欣樂皆入普賢廣大乘發心廻向趣菩提。

無邊國土一一中悉入修行經劫海以諸願力能圓滿普賢菩薩一切行。

疏四有二偈讚其現能利他住普賢行。

諸佛子。彼摩尼華枝輪大林中。復有佛出。號名稱普聞蓮華眼幢。

疏遇第四佛。文分爲四。一佛出入中。二天王就供。三如來說法。四得益還歸。今初約相。目類青蓮。約德心無所染。相德高顯。名稱外彰。推邪衆歸。故曰幢也。

是時大威光於此命終。生湧彌山上寂靜寶宮天城中。爲大天王名離垢福德幢。

疏二是時下天王就供中。二先明菩薩行進報處天宮。此城卽是品初所列之一。

共諸天衆俱詣佛所。雨寶華雲以爲供養。

疏後知佛可歸持華往供。

時彼如來爲說廣大方便。普門徧照修多羅。世界海微塵數修多羅而爲眷屬。

疏三時彼下說經方便之言。畧有三種。一無實權施。曲巧方便也。二理本無言。假言而言。大方便也。三權實無滯。亦大方便。事理皆照。方曰普門。鈔一無實者。如無三乘。說有三乘。虛指三車。出門不獲是也。二理本無言者。亦法華云。諸法寂滅。相不可以言宣。以方便力故。爲五比丘說。是也。三權實

無滯者卽涉有未始迷空觀空不遺於事卽如來方便知見波羅蜜皆已具足。

時天王衆聞此經已得三昧名普門歡喜藏以三昧力能入一切法實相海獲是益已從道場出還歸本處。

疏四時天王下得益還歸中聞上普門正受安住法喜無盡故名曰藏由此證達諸實相海此劫之中十湏彌塵數如來今但云四又無結會古今現證得益等者經來未盡故也若結會者應云爾時威光菩薩者毘盧遮那是等所信因果會竟

優婆夷戒珠領募銀七兩一錢七分六釐刻此毘盧遮那品與緣芳名開列於後

陳門嚴氏二兩	魏門嚴氏三兩	郁門邵
氏一兩	花男郁招舍二錢	邵門范氏五
錢	郁門竇氏三錢	戎珠補足銀一錢七
分六釐		

照瑞一錢五分	寶仙	心靖	成允	勝
因性賢	傳燈	慧玄	海慧	宏祖
慧月	性悟	靜觀	體潤	祖燈
全祿	姚奕光	王允陞	姜許昇	行端
相于王庭	姚琨	姚濤	仲應禎	宋朝
石林	錢氏各五分	餘皆性澄圓滿		

附六卷之一沙門性澄所募檀越芳名

大方廣佛華嚴經疏鈔卷十一 終

0 1 2 3 4 5 6 7 8 9 10 1 2 3 4 5 6 7 8 9 10

大方廣佛華嚴經疏鈔卷十二

于闐國三藏沙門實叉難陀譯

清涼山大華嚴寺沙門澄觀撰述
如來名號品第七

疏此下第二修因契果生解分。第一會初。從此第
十二經盡。第十三經菩薩問明品。

將釋此品。五門分別。初來意者。先明分來。前既舉
果令生信樂。今明能生因果信解。故次來也。二會
來者。生解之中信爲其首故。又前舉所信之境。今
明能信之行。故次來也。三品來者。前品舉因顯果。

成所信之境。今舉果辨因。彰能信之行。果中三業。身爲其總。故先來也。又遠答前名號海問故。鈔二會來意者。於中有二。一對後辨來。以一分六會。今是初故。二又前舉下。對前辨來。又遠答名號海問者。自是十海爲總意耳。

疏二釋名亦三。初分名修。因契果生解分。謂修五位之圓因。成十身之滿果。令諸菩薩解此相故。卽生修因契果之解。依王釋也。二會名約處。名普光明殿會。然有三釋。一以殿是寶成光普照故。二佛於其中放普光故。三佛於殿中說普法門。慧光照

世。故立其名。依前一義。卽依王釋。後二有財約法則。名信行之會。三品名如來現相品已釋召體曰。名表德爲號。名別號通。一切諸佛通具十號。名釋迦等。則不同故。如來卽十之一品中正說。隨機就德。以立別名。旣表德之名。則亦名亦號。如來之名號。依王釋也。鈔三佛於殿中者。就此普法自有四義。一境智合說。眞俗遐周曰普。妙智照達名光。二單約境說體周曰普。用徹爲光。三唯約智說。準境可知。四約融攝說。若事若理。皆無障礙。一塵一行。猶如帝網曰普。圓明顯煥爲光。餘如十玄。表德

GO

1 2 3 4 5 6 7 8 9 10 1 2 3 4 5 6 7 8 9 10

爲號亦有釋云。表德爲字。響頌人天曰號。今以卽字是號。猶如十號皆約德故。言名別號通者。總相說耳。品中正說下。揀定通局。

疏三宗趣亦三。初分宗。謂以修生修顯因果爲宗。令諸菩薩修行契入爲趣。二會宗者。若就總望。信解行德攝位爲宗。通成佛果爲趣。信能必到如來地。故近望唯信爲宗。成位爲趣。若依長科十分之宗。此下三品以爲一分。卽果用應機周徧法界。以爲其宗。依此起信爲趣。故此亦名正報因果。亦是所信。信何法門。信佛身名。等於衆生。則知我名如

佛名也。信佛法門隨宜而立。知我妄念苦集亦全法門。信佛意業光明徧照。則知自心無不知覺。故先古諸德亦將上三品舉果分收。三品宗者。顯佛名號周徧爲宗。隨機調化利益爲趣。或上二皆宗生信爲趣。鈔修生修顯因果爲宗者。修生約差別因果。修顯約平等因果。若就總望等者。亦名爲遠望。爲成佛果故爲遠。具解行德故爲總。解卽問明。行卽淨行。德卽賢首。近望者。唯望十住故爲近。亦合名別。將前攝位爲此趣故。攝位者。十信滿心。頓攝諸位。今此唯爲成十住。故仁王不開十信攝。

在十住信爲能成。住爲所成。若依長科下。第二約別科辨宗。畧有三義。一隨品長分科。總爲十段。今當第四故。二故此亦名正報因果者。卽前後鉤鎖科。亦當第二毘盧遮那是因此。三品爲果故。三亦是所信者。賢首向前亦將此三屬所信因果中正報果故。如下疏指亦屬四分之中第一分故而言亦者。有二意。一對今科。屬第二分故。二對隨其本會科。名能信成德會。今爲所信。故云亦也。

疏第四問答。問五周因果。差別平等。不同何以分名合之爲一。荅通生差別平等解故。離於修生說

何修顯故。問前會舉果。本爲生信。今何重舉名號等三荅。凡約境生信。有其二義。一標舉境法明。有所在。二攝以就心。令成信行。前會約初義。此會約後義。鈔問前會舉果下。此通繁重難。先問後荅。荅中二。先約義通爲意別故。所以重舉。

疏又前會果廣因畧。故名舉果。此會因廣果畧。故總攝爲因。先依後正文影畧耳。鈔又前會果廣下。約文以答。以少從多故。前會果多。名舉果分此下。因廣分名修因雖舉此會。正酬向來約分名難。故云因廣。然取當會因果。皆各三品。因果似齊。而

因文亦廣。

疏若約鉤鎖者。自屬正報果。故不同第七會說所成。果此中自辨信所依故。鈔若約鉤鎖者。此當第三依起因果。是所依果故。不同第七說所成者。所成自屬第四差別因果故。

疏問何不入定。以未入位性不定故。若爾。十定豈散善耶。然說法之儀通有四句。一定後說。如諸會二說後定。如無量義經等。三定中說。如第九會無出言故。四不入說。如此信中及第七會諸文非一。鈔以未入位下。答此上問文五。一者正答。猶如

輕毛未能得入正定聚故。二說後定者。卽法華經云。爲諸菩薩說大乘經。名無量義。教菩薩法。佛所護念。說是經已。結跏趺坐。入於無量義處。二昧身心不動是也。若出其意。無量義者。是出生義。故彼經云。無量者。從一法生。其一法者。所謂無相法。華卽是收入之義。故彼經云。究竟至於一切智地。世尊法久後要當說真實。今欲收入先辨出生。若知三乘萬化從實相生。究竟還歸一實相故。欲爲法華序。故說無量義便入此定。

疏第九表證。唯證能說。一得永常。不礙起用故。第

七爲表常在定故。又入爲受加。彼不須加。故不須入。說後入者。說在行故。將起後故。鈔第九表證下。出四句所以其第一定後說。諸會廣說。故不釋之。但解後三。初解第三。二第七爲表下。解第四。第四有二會不入定。第二不入。前已解竟。唯解第七。說後入下。通第二義入。卽修行上引無量義經。乃是別意而有等言。等取此中諸經通意。今顯通意。疏是知動寂唯物。聖無常規。故下文中辨十信之用。一方入正定。餘方起出說。自在無礙也。餘會摩頂後說。此會說後摩頂。是知此經體勢縱橫。不可

定準。鈔是知動下。第五結其深玄。故下文中下示十信相。旣所說信定散自在。明知能說入出難思。餘會摩頂下。更示異門。令無局執。

爾時世尊在摩竭提國。阿蘭若法菩提場中。

疏第五釋文。若隨義約品科。十分之中。此下三品當果用應機。普周分。若約隨法就會科。十分之中。此一會當第二能信成德會。今就四番問答科。從此終第七會。卽當第二修因契果生解分。若順諸會。應直分。問答今爲順文。一會分二。第一序分。第二請分。第三說分。鈔若順諸會者。以六會共答。

此中問故。第一序分。唯屬此會。爲加序分。名爲順文。

疏今先序分。具如經初。但加普光。以爲小異。畧分爲三。初標王時處。二始成下。別顯三事。三與十佛下。輔翼圓滿。

始成正覺

疏二中分三。初別顯說時。

於普光明殿坐蓮華藏師子之座。

疏二於普光下。別顯說處。處在菩提場東南里許。熙連河曲。彼河之龍爲佛造此。今舉總

前標國名。以本收末。上舉場稱。故下不動覺樹。而徧十方。鈔處在菩提下。賢首云。相傳說云。以龍見如來初成正覺。樹下露坐。故爲佛造。若西域記說。菩提樹南門外。有大龍池。帝釋獻方石在此池。池東林中有目真鄰陀龍王池。其水清黑。其味甘美。龍池西岸。有小精舍。中作佛像。往昔如來初成正覺。於此宴坐。入定七日。時此龍王警衛如來。卽以其身繞佛七匝。化出多頭。俯垂爲益。故池東岸。有其室焉。釋曰。若取龍造正當於此。雖不言造堂。龍旣警衛。不妨後造。當向卽東南。又云菩提樹東

有精舍高六百七十尺。下基面闊二十餘步。疊以青磚。金以石灰。層龕皆有金像。四壁鏤作奇製。或連珠形。或天像焉。上置金銅阿摩勒迦果寶瓶。東面接爲重閣。簷宇特起三層。棟柱棟梁。戶扉窓牖。金銀雕鏤以飾之。珠玉廁錯以填之。奧室邃宇。洞戶三重。外門左右各有龕室。左則觀自在菩薩像。右則慈氏菩薩像。白銀鑄成。高十餘尺。精舍故地。昔無憂王建小精舍。後有婆羅門建大精舍。即雪山見大自在天令置。釋曰。此義亦當。若取普光堂義。却當樹西。西域記云。菩提樹西不遠。大精舍中。

有鉢石佛像。飾以奇珍。東面而立。前有青石。奇紋異采。是昔如來初成正覺。梵王建七寶堂。帝釋建七寶座。佛於其上。七日思惟。放異光明。照菩提樹去。聖遙遠。寶變爲石。釋曰。此爲普光法堂定矣。但從古傳云。是東耳。若東西二三里。卽是盲龍之室。非是龍造。去聖時遠。傳記不同。故畧出二處異。更審之。

妙悟皆滿。一行永絕。達無相法。住於佛住。得佛平等。到無障處。不可轉法。所行無礙。立不思議。普見三世。疏三妙悟下。別顯王德。亦卽示成正覺之相也。準

0

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

第八會初及深密經等皆說佛有二十一種功德升兜率品當廣明之今文有初十句亦畧釋耳。十句之中初總餘別總中妙悟皆滿者妙悟晉經名善覺論經名正覺良以梵音云蘇含於妙善及正等故譯者隨取悟卽覺也雙照真俗故稱妙悟。備下諸句異於因人故復稱滿。鈔雙照真俗者下無著不釋總句具下諸別以成總句親光菩薩別釋總句今依親光別釋妙悟取無著意將別釋滿。

疏別中一二行永絕者煩惱所知生死涅槃皆名

二行俱不現前名爲永絕。鈔煩惱所知者準無著名於所知一向無障轉功德但離所知二乘之人於極遠時處不能知見有知不知故名二行。今無不知故云永絕若親光云凡夫二乘現行二障世尊無故凡夫現行生死起諸雜染卽煩惱障一二乘現行涅槃弃利樂事世尊無彼二事故云永絕今具舍二釋故雙牒之下諸功德皆是下文廣釋中意如或未曉但尋兜率會疏及論文居然易了疏二達無相法者清淨真如名無相法達者了也三如來常住大悲任運利樂又常安止聖天梵住

故云住於佛住。鈔聖天梵住者。卽智論第三云。聖謂三乘聖人。天謂六欲天。梵卽色無色。復次三昧名聖住。布施持戒善心三事。名天住。四無量是梵住。釋曰。此雖二文。義乃是一。前舉果住。後出因耳。或爲四住。謂加佛住。如來常住。首楞嚴諸三昧故。雖徧住四住。智海已滿。大悲深故。特言大悲。大悲卽梵住所攝。

疏四所證能證。及以化用。皆等諸佛。五具能治道。解脫障故。六所說教法。外道不能轉故。七行諸世間。違順魔冤。不能礙故。八安立教法。超言念故。九於三世境。若事若理。了達記別。無錯謬故。具此九別。成初總句。同異成壞。準思可知。與十佛刹微塵數諸菩薩俱。莫不皆是一生補處。悉從他方而共來集。

疏第三輔翼圓滿文分二別。一標數據定。二歎其勝德。前中菩薩揀非凡小。補處明非下位。他方而來。非舊衆也。言一生者。釋有二義。一約化相。謂如彌勒。此復有三。一人中一生。二天上一生。三下降一生。正取天中。二約實報一生。謂於四種變易生死中。唯有末後一種。名無有生死。一位所繫。此文

多約化相耳。鈔四種變易者。第一疏鈔已引攝論。無上依經。今更依佛性論第二畧示名相。一方便生死。謂生死緣。卽無明住地惑。能生新無漏業。譬如界內無明生行。以惑生智。非同類故。名爲方便。二因緣生死。謂生死因。卽上無明所生。無漏有分別業。譬如無明所生行業。但感同類。故明因緣三。有有生死。卽由前因緣感得變易異熟有果。如三界內以有漏業感六趣身。言有有者。未來生有。更有一生故。如上流般阿那含。第二生般涅槃。故亦云有此有果。故名有有。四無有生死。卽改變易

脫。譬如生爲緣。有老死等過患。一期報謝。更無有有。故名無有。故今疏云。唯有第四無有生死。一生者。此生之後。便成佛故。如那含人。當涅槃故。

普善觀察諸衆生界。法界世界涅槃界諸業果報。心行次第。一切文義。世出世間。有爲無爲。過現未來。

疏一。普善下歎德。德雖無量。畧歎一普善觀察者。能觀智也。普有一義。一。普衆同有此德。一。普觀十境。善有三義。一。善知相。二。善知無相。三。善知此二無礙。衆生界下。明其所觀。皆具上三義。十中初是總句。所化衆生。次此生。何來。由迷法界。起於世界。

我當令彼住涅槃界淨諸業果故須識心行之病文義之藥令厭世間欣出世間不盡有爲不住無爲上辨橫觀十法今暨達三世觀涅槃知已現當證觀諸業已現當造果報已現當受心行已現當發餘可類知亦以六相融之

時諸菩薩作是思惟

疏第二時諸菩薩下請分中一先舉人標念若世尊見愍我等願隨所樂

疏後若世尊下正顯問端然句雖五十問但四十以第二十句是說意故此四十問望第一會有同

有異後二十句全同前二十句大同小異又復前後不同初十句卽前第三十海前會卽總說所觀深廣此則別說如來依正以前會中爲總故此會別顯信所依故故前會皆致海言此中但云刹等第二十句前名菩薩十海此列住等行位前通諸會總顯圓融行布因故此約常分欲顯差別因之相故後二十句雖則全同前總此別又前卽所信今辨所成欲顯所信所成體無異故文句全同疏若唯約義亦可分三謂初十句問佛德應機無方大用辨因所依果次十句問菩薩行位卽果所

60

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

圭嚴疏錄卷一

成因後二十句佛果勝德顯因所成果是則以佛爲緣而起於因還以此因而成於果是此分之大意也故論云多聞熏習無不從此法身流無不還證此法身卽其義也鈔若唯約義下科判經文於中初總科有三初就義爲三以所問法有三類故。

疏今取文義俱便大分爲二初十句直爾疑問後三十句引例請問義不異前然所依所成文應互有但是影畧不欲繁辭故初會直爾興問卽此中引例此中引例卽彼直問又前但明一重所信故

合三十句果今爲分二段故間之以因今初十句先總顯請意鈔今取文義俱便下後分二釋文二段皆結故是文便直問引例表人異道同故是義便

開示佛利佛住佛利莊嚴佛法性佛利清淨佛所說法佛利體性佛威德佛利成就佛大菩提

疏後開示下別列所疑十句依正間問者正報應機必依利故亦表依正無障礙故五句依者一利類一莊嚴二清淨四體性五成就上五卽前二海廣如四五二品其佛住等五句卽正報大用一佛

支那

圭嚴疏錄卷一

七

身徧住諸刹。佛心常住大悲。二所具功德及所證法性三隨機說法。四作用威光五修行得證。現成菩提。然此五卽前會七海。一卽佛海。二卽解脫海。三卽演說海。四卽變化海。五卽名號及壽量海。波羅蜜海其衆生海。但是所化故畧不舉。舍諸海中。此之十句下有言說及現相答。至下當知。鈔一刹類者。卽形狀長短等。言卽前二海廣如四五二品者。第四成就品答世界安立海第五華藏世界品答世界海故。

如十方一切世界諸佛世尊爲成就一切菩薩故。令

如來種性不斷故。救護一切衆生故。令諸衆生永離一切煩惱故。了知一切諸行故。演說一切諸法故。淨除一切雜染故。永斷一切疑網故。拔除一切希望故。滅壞一切憂著處故。

疏第二如十方下引例請問文分爲三初十句標彼說意明其有悲後三十句舉彼所說顯其有智末後一句結以正請彼佛旣爾此亦宜然初中初句總謂令諸菩薩行願成就故餘九爲別一上繼佛種二云何繼以救衆生故三云何救令離惑故四如何救知彼根行故五以何救說法藥故六成

何益。一除集諦染。二決道諦疑。三拔苦希望。四證滅憂處故。鈔初句總下釋此十句。總有三勢。皆有總別。第一行願俱起釋。初總餘別。別中展轉相釋文勢可知。

疏又成菩薩行。具悲智也。具此悲智。何所爲耶。令佛種不斷。佛種不斷。有何相耶。謂成三德救護衆生。成就恩德。永斷煩惱。成於斷德。了知諸行。成於智德。諸行有三。一者心行。二所行行。三所了行。謂一切行無常無相。卽所了也。云何救護演說諸法。云何永斷淨諸雜染。永斷煩惱。種現雙亡。除諸雜染。謂唯現惑。云何成智。謂永斷疑網。智成何益。斷諸希望。惑除何益。滅諸憂著。一切著者。著有著空。著行著果。不著諸法。正智現前。悲救衆生。佛種不斷。是菩薩之要也。諸佛之本意也。所陳諸問。一一皆有斯益。鈔三佛種不斷下八句。皆釋不斷之相。於中四意。初三正釋不斷。謂成就三德。是不斷相。智成何益。下顯三德益經。但二句。舍於三義。初明智德益。後惑除何益。下以滅憂著處句。雙成二益。若著諸法。正智不生。若著於空。不能悲救。今空有無滯。故能滅惑。成智起悲。不斷佛種。

疏又釋。一切菩薩是所成就。云何成就。不斷佛種。卽自成就。救護衆生。成就於他。云何救護。謂離二障。永斷煩惱。無煩惱障。了知一切。無所知障。以何方便。能斷二障。謂說諸法。此煩惱障。其相云何。謂愛與見。除諸雜染。絕愛煩惱。永斷疑網。絕見煩惱。此所知障。其相云何。謂於境不了。有所希望。法執未忘。一切生著。今相無不了。何所希望。達法性空。當何所著。二障既寂。二智現前。成菩提涅槃。謂不斷佛種。則菩薩成就矣。鈔二障既寂。通後七句。卽二障除。能成二智。除煩惱障。根本智現除所知。

障後得智現。卽此二智。亦爲能寂。菩提涅槃。即是所成煩惱障。斷成於涅槃。所知障。斷成於菩提。此結利他意。則不斷佛種。結歸自利。菩薩成矣。結歸總句。

說諸菩薩十住。十行。十迴向。十藏。十地。十願。十定。十通。十頂。

疏第二說。諸菩薩下。舉彼所說。文分爲二。初十句問因。後二十句問果。今初文有九句。昔云欠第九。十恐一句。又以十信自不成位。是住方便攝在住中。故不別問。鈔又以十信下。出其所以。不開

十信則不合問信下有恐品故知脫恐。

疏故仁王經教化品云。伏恐聖胎三十人。十信十止十堅心故信住不分也。有義云有四義故。信

不入位一進退不定故。二雜修十心無定階降故。三未隨法界修廣大行故。四未得法身顯佛種性故。由斯不開十信則成此會及第三會俱荅十住問也。十行第四會荅十廻向第五會荅十藏第四會中荅以藏有一義一收攝義謂收攝諸行以用廻向故荅在廻向之前一出生義以出生地上證智故問居廻向之後十地第六會荅十願初地中

荅十定十通第七會荅各有自品十頂一種荅文不顯古有多釋一云準梵網經說十忍後有心地法門卽此十頂理亦可通但彼經說處乃有十初無菩提場會但云方坐千光王座及妙光堂說十世界海其二三四與此三四五會處法全同他化十地次第亦同而化樂天說十禪定初禪說十金剛心二禪說十願三禪說十忍四禪摩醯首羅宮說我本源蓮華藏世界盧舍那佛所說心地法門不云重會普光及祇園重閣次第又別難可會通又此中問因後更有果問故彼佛心地卽後如來

0123456789

0123456789

地等非十頂也。鈔三但彼經下以文奪破其二三四與此三四五會處法全同者。此是第三會在忉利。四在夜摩。五在兜率。彼第二在忉利故彼說十世界海竟。卽云次於忉利說十住法。次至夜摩說十行法。次至兜率說十迴向。斯則處法全同。次第不同。彼一此三。彼二此四。彼四此五以前加菩提場故。言他化十地次第亦同者。亦是第六在他化天說十地故。由彼不越第五化樂天故說地亦第六故。彼文云次至化樂天宮說十禪定。次至他化自在天宮說十地。次至初禪說十金剛心。次至師義竟。

疏有云僧祇品答以準瓔珞等覺別有頂位。以因

位窮終今僧祇中說十大數數中之極故云十頂彼問雖十荅有多數對上定通亦非其類故不可也。

疏有云壽量品荅彼中十重佛土皆上爲下頂極至賢首佛刹名爲十頂又佛名第二名此十一世界爲上首故但舉此初後十一卽顯過百萬阿僧祇世界壽量之數此爲標首首卽頂故然復彼無別問似有少理但標此十界將爲問端對十地等甚不相例鈔但舉此下三遮難恐有難云今經百萬阿僧祇重何以證成十界之義故爲此通。

疏今謂新舊梵本俱無忍問荅中卽有故知彼忍卽此頂也言十頂者因位終極十定十通皆等覺位十忍居後又得頂名問中約位終極故名爲頂荅據法門忍受以智印定故云忍也非位終極不具十忍非有十忍不極因位二文更顯故十忍品末云通達此忍門成就無礙智超過一切衆轉於無上輪等既言超過卽是頂義亦猶四善根中忍頂法門義相類故不爾忍無別問空荅何爲設欲成十應脫十信十信雖未成位亦隨法界修廣大行德用殊勝別一會荅應有問故若將十忍已下

四品共答頂問。於理無失。俱是等覺之終極故。
鈔設欲已下六釋無十難。難云。若闕十頂問。十句
則圓。若以忍答頂句。則唯九故。今答云。脫於十信。
十句成矣。十信雖未成下。七會通上難。難云。我先
二義不開十信。一文證。二理證。今欲開信。雙乖文
理。故今通之。乃有數意。一對前立理。前明闕於四
義。不立爲位。今明不必成位。四義無遺。二德用殊
勝下。上以文證。今亦文答。上引但明信住。不開今
明。何必要開。而不妨有問。何者。十願十藏。非是別
位。得爲問端。信不成位。何妨有問。又藏願等。寄他

會答。尚有別問。十信法門。別一會答解行德能。三
品宏深。豈合無問。若將下第一會通。以四品答於
頂問。以信住行等。皆有多品。總將四品共答頂問。
於理無違。若爾古以僧祇壽量而答頂問。應不乖
理。彼以局取。又不收忍。今總收四與昔全乖。頂乃
通名。忍等別稱。故不同也。此解最妙。亦能旁通一
難。難云。引四善根忍頂不同。今何將忍以酬頂問。
今爲總釋。則以等覺因位之極。通稱爲頂。不全同
四。故上引云義相類故。

撰述

聖嚴疏錄卷十一

三

如來無畏如來三昧。如來神通。如來自在。如來無礙。
疏第二二十句。問所成果全同初會。於中亦初十
句明內德成滿。後十句體相顯著。初中如來神力。
前會名佛加持。卽神力加持故。神通約外用無壅。
神力約內有幹能。離世間品各有十事。其相自別。
言無礙者。謂如來所作無能障礙也。上文名無能
攝取等義皆同也。

如來眼如來耳。如來鼻。如來舌。如來身。如來意。如來
辨才。如來智慧。如來最勝。

疏後十中。辨才是語業。智慧是意業。最勝是身業。

準前會中。唯欠佛光明之一句。餘如前釋。其所答
文亦如前引。出現不思議相海品說。但前總會故
引此文所引之文。正答今問。說者宜重引之。

願佛世尊亦爲我說。

疏三願佛下。結請。請同彼說。故致亦言。請分竟。

爾時世尊知諸菩薩心之所念。各隨其類。爲現神通。
疏第三說分。於中通下六會。荅此所問。準問長科
亦爲三分。此初三品。荅所依果問。二問明已下。荅
所修因問。三從不思議品下。荅所成果問。其平等
因果。因乃果中之因果。乃此果之用。故屬果收。

鈔其平等下通其妨難。難云若依問爲三。第三段
唯合明果。今有普賢行爲因。出現品爲果。自是一
段平等因果。何得皆將答果問耶。故爲此通。既因
是得果不捨之因。卽果中因。亦是果攝。故屬第三
所成果也。又古人以文從義。出此因果。若疏本意。
全屬果也。至下重明。

疏初中分二。先如來現相答。由其念請故。又如來
證窮故。後文殊言說答。伴助王故。假言顯故。今初
分二。一佛現神通。二衆海雲集。今初知其心念者。
領念請也。現神通者。示相答也。言隨類者。有其三

義。一隨疑者所宜異故。謂或示色令見。以聲令聞。
冥資令曉。皆是現通。以法界身圓明頓現也。二隨
疑者流類別故。三隨疑者所疑異故。鈔各隨類
者。疏文有二。先釋三義。一隨疑者。卽用法不同。隨
一類人所樂不同。隨宜適化。故經云彼彼諸病人。
良醫隨處方。卽應病與藥也。言或示色令見。是現
相答。以聲令聞。是言說答。上皆顯應。冥資令曉。卽
是冥應。總合上三。一時頓應。二隨疑者。上之三義。
隨一類中。卽容此三。今明萬類。謂人天鬼畜。音辭。
差別等。然唯疑人。約有所表。但明菩薩據其實義。

萬類皆通。又菩薩者。但語大心衆生。不妨本類亦有差別。謂天爲菩薩。人爲菩薩等。三隨疑者。此約所疑之法。則初是義無礙境。二是辭無礙境。此是法無礙境。然其所疑。卽十住等。其能疑人。未必十信。疑於十信。許互疑故。十信亦疑住行等故。

疏謂若疑十信。卽見如來足輪放光。周乎法界等。若疑十住。則見如來足指放光。百刹塵外。菩薩集等。如放光一事。旣爾。餘相皆然。鈔謂若疑十信下。出隨疑現通之相。於中初疑十信。卽是此文。及

第十三經光明覺品。言周乎法界等者。等取十方

各過十佛刹微塵數世界。菩薩雲集。故下經云。悉以佛神力故。十方各有一大菩薩。一一各與十佛刹微塵數諸菩薩俱等。若疑十住者。卽第三會十住品初。言菩薩雲集等者。此一等字。等取行向地等。謂十行則足。上放光。十向則膝輪放光。十地則眉間放光等。十行千利。十向十千等。此一等字。等於一分放光中事。如放光下。例於餘相。謂動利。雨華香雲等。皆隨宜不同也。

疏故知初會現相。徧於九會。此會現神通。通於一分。結集隨義編之作次耳。故下三會。皆有不起覺

樹之言。鈔故知初會下。第二示通局。此會皇初。則局一分。彼通九會。謂佛前現華。通表一部。所詮華嚴。眉間勝音。通表九會。能詮教故。結集編次。非現前後。故下三會下引文爲證。旣不起前二。而昇四天明。正當此處現通。四天齊現耳。

現神通已。東方過十佛利微塵數世界。有世界名金色。佛號不動智。彼世界中。有菩薩名文殊師利。與十佛利微塵數諸菩薩俱。來詣佛所。到已作禮。卽於東方化作蓮華藏師子之座。結跏趺坐。

南方過十佛利微塵數世界。有世界名妙色。佛號無礙智。彼有菩薩名曰覺首。與十佛利微塵數諸菩薩俱。來詣佛所。到已作禮。卽於南方化作蓮華藏師子之座。結跏趺坐。

西方過十佛利微塵數世界。有世界名蓮華色。佛號滅暗智。彼有菩薩名曰財首。與十佛利微塵數諸菩薩俱。來詣佛所。到已作禮。卽於西方化作蓮華藏師子之座。結跏趺坐。

北方過十佛利微塵數世界。有世界名薺葛華色。佛號威儀智。彼有菩薩名曰寶首。與十佛利微塵數諸菩薩俱。來詣佛所。到已作禮。卽於北方化作蓮華藏

師子之座結跏趺坐。

東北方過十佛利微塵數世界。有世界名優鉢羅華色佛號明相智。彼有菩薩名功德首。與十佛利微塵數諸菩薩俱來詣佛所。到已作禮。卽於東北方化作蓮華藏師子之座結跏趺坐。

東南方過十佛利微塵數世界。有世界名金色佛號究竟智。彼有菩薩名目首。與十佛利微塵數諸菩薩俱來詣佛所。到已作禮。卽於東南方化作蓮華藏師子之座結跏趺坐。

西南方過十佛利微塵數世界。有世界名寶色佛號最勝智。彼有菩薩名精進首。與十佛利微塵數諸菩薩俱來詣佛所。到已作禮。卽於西南方化作蓮華藏師子之座結跏趺坐。

西北方過十佛利微塵數世界。有世界名金剛色。佛號自在智。彼有菩薩名法首。與十佛利微塵數諸菩薩俱來詣佛所。到已作禮。卽於西北方化作蓮華藏師子之座結跏趺坐。

下方過十佛利微塵數世界。有世界名玻瓈色。佛號梵智。彼有菩薩名智首。與十佛利微塵數諸菩薩俱來詣佛所。到已作禮。卽於下方化作蓮華藏師子之

座結跏趺坐。

上方過十佛刹微塵數世界。有世界名平等色。佛號觀察智。彼有菩薩名賢首。與十佛刹微塵數諸菩薩俱來詣佛所。到已作禮。卽於上方化作蓮華藏師子之座。結跏趺坐。

疏第二現神通下。衆海雲集。卽現相答初十句之問。光現佛刹。答佛刹問。刹有金色等。是刹莊嚴。既以金成。亦答刹體。彼刹菩薩。亦刹莊嚴。菩薩大寶以爲嚴故。亦刹清淨。純淨佛刹。唯菩薩故。淨修梵行。是刹成就淨土行故。亦刹清淨。所修淨故。此已

上答五句依問。兼答五句正報土。各有佛及見。如來坐蓮華藏。是答佛住。現通放光。是答威德。名不動智等。是答法性。見佛轉法輪。是答說法。佛成正覺。是答菩提文。雖在下義。皆此具光明覺現。卽現此故。鈔名不動智等者。不動智等。等餘九智。智雖是一。十智不同。不同之德。即是法性。佛以功德爲法性。故文雖在下等者。釋通妨難。謂有難云。適所引文。皆光明覺品。此中現相。言答十問。乃引下經。豈成此答。釋云。六會現通。尚在一時。況光明覺義不在此。故光明覺說。說此所現。是以此中別列。

十方佛刹菩薩。一一各說光明覺品。一時總牒。明是說此所現相耳。

疏十方衆集卽爲十段。一方內文各有八。一遠近。二土名。三佛號。四上首。五眷屬。六詣佛。七到已致敬。八化座安坐。去此遠近。皆十刹塵數者。前會爲說所信因果深廣。故須遠集華藏之外。十方刹海。今爲說於生解因果。漸漸增修。故但集娑婆隣次之刹。信行最劣。故復云十。後後漸增。至法界品還集刹海。初不云一。直云十者。表無盡故。要刹塵者。比餘勝故。爲有所表。故分階級。非初信等不是。

通方故結及證成。十方齊說。鈔爲有所表下通難。難云。華嚴既是通方之教。未有一土不說。此經今舉十刹。則十外不收。今說百刹。應百外不攝。豈爲通方。釋意可知。

疏又隨迷名外。悟處名來。而實佛土本無遠近。土皆名色者。表信籠現故。亦表顯然可生信故。佛號同智者。有信無智。增無明故。信中之智。本覺起故。疏主同名首者。梵云室利。一名四實。一首二勝。三吉祥。四德。是以譯者前後不同。今通用之。以信爲首。攝諸位故。次第行中。信最勝故。甚難得故。於生

死中創發信心爲吉祥故信能增長智功德等一切德故。鈔今通用者以梵語多含三藏各取今以義收故皆通用而暗引下經以成四義初釋首義以信爲首攝諸位故是通意明信該果海故二釋勝義云次第行中信最勝故者經云是故依行說次第信樂最勝甚難得三於生死下釋吉祥義經卽通取下經之意四信能增長智功德者釋德義亦全是賢首品經文文云彼諸大士威神力法眼常全無缺減十善妙行等諸道無上勝寶皆令現卽吉祥義也。

疏此十菩薩同表信門故皆名室利各隨一門達一切法故復有差次文當釋亦有傳云梵云室利此云吉祥室利云首亦是一理鈔亦有傳云者卽興善三藏譯余親問三藏有同此說今欲會意故前收四說。

疏眷屬皆十刹塵者表一一行攝無盡德故皆詣佛者有歸向故餘如前會又下菩薩名等皆是表法菩薩表所行之行本刹表所證之理佛名表所得之智。

疏今初東方言金色者心性無染與緣成器爲自

0

1 2 3 4 5 6 7 8 9 10 1 2 3 4 5 6 7 8 9 10

體故本智如空。離覺所覺。湛然不動。動即是妄。非
曰智故又縱成佛果。不異凡故。卽本覺智。住心真
如。鈔今初東方下別釋十方八段之中。皆釋三
事。一利名。二佛名。三主菩薩名。唯初東方按經之
次。不之九方。從後倒釋。以十首菩薩表十甚深。是
助化主。故先舉之。餘二因此。故在後釋。細尋可知。
○疏菩薩妙德者。慧達佛境。處處文殊。由慧揀擇。契
於本智。故分因果。鈔處處文殊者。下文當釋。從
由慧揀擇下通難。難云。佛名不動智。文殊表慧。二
相寧分。答中然智慧二字。乃有多門。今此正用分
下當廣釋。

疏二覺首者。覺心性也。無性不礙。隨緣隨緣。不礙
無性。無礙智也。不染而染。染而不染。俱難了知。爲
妙色也。鈔不染而染等者。此釋妙色語出勝鬘。
下當廣釋。

疏三財首者。法財教化。卽滅闍智。了衆生空。如蓮
不著。四寶首者。真俗無違可珍貴。故善知業果。不
犯威儀。性相無違。唯一乘旨。是爲唯艱蘆薈華矣。
五德首。了達如來應現說法之功德。故卽是明於
法相。又了佛德。心明白也。若有此智。如青蓮華。最

爲第一。六目首福田照導。如日將身平等福田。爲究竟智。是最可重。故云金色佛爲福田。以佛爲境。故同上文殊。依金色界。七精進首。正教甚深。必在精進。能策萬行。爲最勝智。圓明可貴。故復云寶。八法首。法門雖多。必在正行。於法能行。方得自在。得般若之堅利。爲金剛色。九智首。佛之助道。雖無量門智。爲上首能淨萬行。故云梵智。智淨體淨。猶若玻瓈明徹。無染十賢首。前佛後佛。一道清淨。由自性善。故稱曰賢。能知此賢。是觀察力。觀察本性。常平等故。△鈔又釋十段。皆暗取十甚深義。一云慧。

達佛境。卽佛境甚深故。二覺首緣起甚深。心性是一故。三財首教化甚深。四寶首業果甚深。五德首說法。六目首福田。七精進首正教。八法首正行。九智首助道。十賢首一道。故並可思。

疏又十佛相望。不動是體。餘皆是用。十菩薩相望。文殊爲總。餘皆是別。以總導別。故九菩薩不離妙德。鈔文殊爲總者。若以法門爲總。文殊王般若統收萬行。九首之德。皆是般若隨緣別相。同明佛德。卽是同相緣起教化。互不相收。卽是異相統。十甚深爲成佛境。卽是成相。各住一甚深。卽是壞相。

餘如下說。若約人爲總別。文殊爲上首故是總。餘九爲伴是別。同名爲首異卽賢等共成十首表信之人壞各住自。

疏以前後流例畧爲此釋。惟虛已而求之不信此理甚深法門於我何預。鈔以前後例下三結釋勸修前如現華表義現衆表教後如十慧說住十林說行十幢說向十藏說地離世間品菩薩萬行寄表甚深斯爲觀心非是臆斷不信此理一向外求如數他寶故非我分。

爾時文殊師利菩薩摩訶薩承佛威力普觀一切菩

薩衆會而作是言此諸菩薩甚爲希有

疏第二爾時文殊下辨言說答就文分四一歎衆希奇二諸佛子下牒問總歎三何以故下徵歎總釋四諸佛子如來下廣顯難思今初也前衆疑問佛令文殊答者以文殊示居此土生有十徵來自他方體含萬德降魔制外通辨難思化滿塵方用周三際道成先劫已稱龍種尊王現證菩提復曰摩尼寶積實爲三世佛母豈獨釋迦之師鈔以文殊者釋文殊說意上明是王菩薩廬山遠公但云文殊師利是遊方大士唯見一經但覩一跡

耳。今具出之。是王是客。亦果亦因。具難思也。言示生此土者。卽文殊般泥洹經云。佛告跋陀婆羅。此文殊師利有大慈悲。生此國土多羅聚落。梵德婆羅門家。其生之時。家內屋宅。化如蓮華。從母右脇而生。身紫金色。墮地能言。如天童子。有七寶蓋。隨覆其上。釋曰。言此國者。卽舍衛國。佛正在此說故。此經復云。文殊師利。具三十二相。八十種好。則相好同佛。復有經說。生有十徵。無非吉瑞。一光明滿室。二甘露垂庭。三地踊七珍。四神開伏藏。五雞生鳳子。六猪誕龍狹。七馬產麒麟。八牛生白澤。九倉

變金粟。十象具六牙。由是得立妙吉祥號。來自他方者。卽今經文。從東方金色世界中來。節節皆言所住世界。謂金色等。旣周法界。不動而徧。各領十佛利塵數菩薩。說佛功德。明萬德斯備矣。上之二對。標其王客下畧。說勝德降魔制外。通辨難思者。然此二句。有通有別。通則通用。通辨降伏魔怨制諸外道。別明以神通怖之。以威故言降。用四辨屈之。以辨故言制。然其事頗多。畧舉一二。如幻三昧經云。時有善住意天子。白文殊同見佛。文殊現變三十二部。交絡重閣。有諸菩薩先至佛所。身子覩

變恠問佛。佛答是文殊令諸菩薩集會。又問何以不見文殊。佛答文殊住降毀諸魔三昧正受。蔽魔宮殿興大威變詣如來所。於是文殊住降毀諸魔三昧。應時三千大千世界百億魔宮。一時皆蔽。不樂其處。各各懷懼。時魔波旬自見老耄。羸毀少氣柱杖而行。所有官人及綵女等亦復羸老。又見宮殿而復崩壞。暗暗冥冥。不知東西。時魔波旬卽懷恐懼。身毛爲豎。心自念言。此何變恠。令吾宮殿委頓乃爾。將死罪至。歸命終盡。天地遇災。劫被燒耶。時魔波旬。併除貢高。捨惡思想。時文殊師利所化。

撰述

華嚴疏錄卷一

魔文殊問魔。汝穢惡此身耶。魔答云爾。若爾當厭
貪欲事。不住三界。魔敬從命。卽令諸魔皆復本形。
五體如故等。此卽降魔也。制外者。卽文殊般泥洹
經。佛說文殊初詣諸仙。求出家法。諸婆羅門。九十
五種諸論義師。無能酬對。唯於我所出家學道。餘
文廣博。不可具引。至如聖智怖心。開聲揚而辟地。
寂順思覩。入隱身而立空。故得帝釋欣喜。雨天華
而至膝。蔽魔愁憂行柱杖而垂淚。劫火燒刹。蹈水
芝而上行。霖雨絕供。化鉢飯而無盡。示多身以抗
迦葉。放一鉢而發本原。皆是通辨降魔制外也。又

如度二十億佛現說法者。持地猶存。化百千諸龍
立登正覺者。王女是一。是以禮妙慧而不忘敬本。
勸善財而增長發心。無言於不二法門。悉力於安
樂行品。教龍吉祥之分衛。下位莫知。荅瑠璃光之
光明。正覺稱妙。談般若之玄致。屢質本師。說權實
之雙行。頻驚小聖。皆辨才也。化滿塵方。者辯德用。
橫豎深廣也。謂十方微塵利土。皆是文殊化處。故
菩薩處胎經云。我身如微塵。今在他國土三十二
相明。在在無不現。餘如衆海雲集中引。又般泥洹
經云。住首楞嚴三昧。以三昧力。於十方國。或現初

生出家滅度入般涅槃分布舍利饒益衆生。又寶藏陀羅尼經廣說至下菩薩住處品當更明之。卽今文中一切處一時說偈卽橫周法界道成先劫者此下別明豎窮畧示一二也。先劫卽過去名龍種上尊王智度論十二具引首楞嚴三昧經說名龍種上尊王經文但名龍種上佛卽譯人廣畧耳五十三佛名亦名龍種上尊王其首楞嚴三昧經有三卷卽當下卷因文殊廣說首楞嚴三昧境界竟爾時長老摩訶迦葉白佛言世尊我謂文殊法王子曾於先世已作佛事現坐道場轉於法輪示

諸衆生入大滅度佛言如是如是如汝所說迦葉過去久遠無量無邊不可思議阿僧祇劫爾時有佛號龍種上如來應供正徧知云云於此世界南方過於千佛國土國名平正無有砂礫瓦石丘陵埵阜地平如掌生柔軟草如迦陵伽龍種上佛於彼世界得阿耨多羅三藐三菩提初轉法輪教化成就七十億數諸菩薩衆云云佛壽四百四千萬歲下取意引涅槃後起三十六億塔法住十萬歲記智明菩薩次當作佛下結會云爾時平等世界龍種上佛豈異人乎卽文殊法王子是現證菩提

者。卽央掘摩羅經。此經有四卷。事出第四。初卷中明舍衛城北有村名薩那。有一貧窮婆羅門女。名跋陀羅。女生一子。名一切世間現。少失其父。年將十二。聰明辨慧。有異村名頗羅訶私。有一舊住婆羅門師。名摩尼跋陀羅。下取意引。世間現從其受學。師受王請。留其守舍。師婦年少。染心逼之。世間現不受。其師少婦。自懸毀害。師歸。言世間現強逼師言。汝已爲惡。當殺千人可滅汝罪。卽殺千人還歸見師。師恠其存。又令殺千人。各取一指。作鬢冠首。唯欠一人。毋爲送食。便欲害母。世尊現前。捨母。

趣佛。爲佛所降。廣顯深妙。第四末波斯匿王。嚴四兵至。欲罰央掘。來至佛所。佛示央掘。後發其迹。云大王。南方去此過六十二恒河沙利。有國名一切寶莊嚴。佛名一切世間樂。見上大精進。下取意引壽命無量。國土嚴淨。純說一乘。卽央掘是。由前文殊廣與對揚。後顯文殊之迹云。大王。北方去此過四十二恒河沙利。有國名常喜。佛名歡喜藏。摩尼寶積。純一大乘。無餘乘名。卽文殊師利是。故云現證菩提。復曰摩尼寶積。蓋言畧耳。下顯師及師婦央掘之母。三人皆是如來化現耳。上畧舉過現。不

說未來成佛者。未來成佛現卽是因。非殊勝故。疏畧不顯。若欲說者。卽大寶積文殊會中說。於未來成佛號普見如來。以恒河沙界莊嚴爲一佛國。以安養世界莊嚴比之。析毛滴海。不可爲喻。其中衆生具三十二相。天眼無礙鏡照十方。不聞生老病死等苦。但出佛法僧之聲。若人欲見。應念便覩。不待解釋。疑網皆除。聞名得最上善利。聆記爲面見諸佛等。實爲三世佛母者。結其實德。七十九經云文殊師利所有大願。非餘無量百千億那由他菩薩之所能有。善哉文殊師利。其行廣大。其願無邊。

出生一切菩薩功德。無有休息。善哉文殊師利。常爲無量百千億那由他諸佛母。常爲無量百千億那由他諸菩薩師。教化成就一切衆生等。佛名經說。過去無量恒河沙佛。皆是文殊教令發心。然猶帶數。故今顯實。實爲一切佛母。不可窮其始末。豈獨釋迦之師者。卽前所引處胎經云。昔爲能仁師。今爲佛弟子。二尊不並立。故我爲菩薩。卽法華九世祖師。亦帶方便。住首楞嚴三昧。亦是跡中。故弛張平權實之場。瑩徹乎真如之際。住諸佛不思議之境。豈可語其始終。無言疆言。爲三世之佛母耳。

1 2 3 4 5 6 7 8 9 10 1 2 3 4 5 6 7 8 9 10

○疏影響而來。一切咸見。故其說也。何不待請。敬同佛故。何不待告。承佛神力。佛意許故。衆既念請。佛方現相。非夫尊極大士。安行理契潛通。故上以光示普賢。此乃冥加妙德。若爾普賢云何定後更請表說所信。甚深細故。何不入定。以果從因。同於信故。餘如上說。何故無加。以無定故。又承佛神力。是冥加故。鈔影響而來者。結也。影響顯非實因也。何不入定者。問意云。信未入位。許不入定。說佛三業。何不入定。故爲此通。以果從因。因卽十信。十信不入果。亦不入。是十信中所說果故。

疏歎衆希有者。畧有五義。感應懸隔。難一遇。故德行內充。總稱歎故。以名表法。甚希有故。創起信行。未曾有故。此一衆會。即是等空法界會故。

諸佛子。佛國土不可思議。佛住。佛刹莊嚴。佛法性。佛利清淨。佛說法。佛出現。佛利成就。佛阿耨多羅三藐三菩提。皆不可思議。

疏一牒問中。脫於刹體。佛出現者。卽前威德也。阿雲無也。耨多羅上也。三者正也。藐者等也。又三徧也。菩提覺也。謂道不可加。曰無上也。無邪委知。爲正徧也。

何以故。諸佛子。十方世界一切諸佛知。諸衆生樂欲不同。隨其所應說法調伏。如是乃至等法界虛空界。疏三微釋中。徵上難思言也。下釋云。能感之機。差別無邊。如來普應周于法界廣難思也。下結文具顯。鈔結文具顯者。卽品末云。如世尊昔爲菩薩時。以種種談論。種種語言。種種音聲。種種業。種種劫。種種處。種種方便。種種根。種種信解。種種地位。而得成就。亦令衆生如是知見。而爲說法。卽其文也。

疏又隨宜說法。意趣難思。又等法界者。舉一說法。

等餘多門。門不可盡量。等法界。法門難思。鈔又隨宜說法者。上指品未廣。故難思。今明意趣深。故難思。亦如法華方便品說。謂稱體大用。或隨自意。或隨他意。或隨自他意。故又等法界下。多門難思。諸佛子如來於此娑婆世界。諸四天下。種種身。種種名。種種色。相種種修短。種種壽量。種種處所。種種諸根。種種生處。種種語業。種種觀察。令諸衆生各別知見。

疏第四廣顯難思文二。先總顯多端。一隨門別顯。今初也。舉娑婆爲首。畧顯十種差別多端。準下結。

通實通法界。十句不出三業。一身爲總相。現十法界不同。故云種種。二名以召實。次下廣辨。三金銀等色不同。三十二相等異。鈔三金銀等色者。如觀佛三昧海經第三廣說。今當義引。佛爲父王說。觀諸相竟。佛白父王。乃勅阿難。吾今爲汝悉現具足微妙身相。說是語已。佛從座起。令衆俱起。令觀如來。從頂順觀。至足輪相。復從足相逆觀。至頂。一身分分。明了了。如人執鏡。自見面像。若生垢惡不善心者。若有曾毀佛禁戒者。見像純黑。猶如炭人五百釋子。但見炭人有千比丘。見赤土色。優婆塞十六人。見黑象脚色。優婆夷二十四人。見如聚墨比丘尼。見如白銀。優婆塞。優婆夷。有見如藍染青色。四衆悲淚。釋子拔髮碎身。自述所見父王安慰竟。釋子卽起白阿難言。我宿罪故。不見佛身。佛爲說因。過去毘婆尸佛時。有長者名日月德。有五百子。聰慧無雙。不信父之正法。子臨終時。父云汝等邪見。不信正法。今無常刀割汝身心。爲何所怙。令稱毘婆尸佛名。未及法僧而終。生天四王天後。邪見因故。墮地獄。鐵叉刺眼。憶父所教。得生人中。六佛出現聞名。而不得見。以得聞六佛名故。與我。

同生。如來令稱佛名禮拜懺悔還見相好卽得初果求佛出家得阿羅漢。干比丘見赤土色者過去然燈佛時像法中有千弟子疑師師見其臨終令稱念然燈佛名生忉利天以疑師罪墮餓鬼中。洋洋灌咽以稱佛名今得值佛佛示賀前亡字令讀於此字中說八萬四千功德行卽便懺悔罪障消滅得記作佛比丘尼見白銀色者過去釋迦佛時五百童女在山澤中忽遇比丘皆脫銀環散上發願願此比丘成佛時願我見之如所散環此後生生作銀山神今見銀色從是已來恒值諸佛優婆塞見黑象脚者此等昔時皆作國王受邪沙門說於邪法其說法人墮阿鼻獄汝等隨惡友教故墮黑暗獄由前聞法善心力故今得遇我得受五戒令其懺悔佛放眉間白毫光照便得初果求佛出家成阿羅漢優婆夷見聚墨色者佛說昔時寶蓋燈王佛像法中有一比丘巡行乞食至淫女家其女見之盛滿鉢飯戲弄比丘言汝顏色可惡猶如聚墨身所著衣狀如乞人比丘擲鉢騰空飛去諸女慚愧懺悔發願願此施食所有功德未來得如比丘自在以施食故千二百劫常不饑渴惡罵因

故六十小劫墮黑暗獄。由發善心今得值我受其五戒乃是供養阿羅漢故見舍利弗不見我身。佛爲牘中出大蓮華化成光臺有百千聲聞身子目連作十八變諸女消二十億劫煩惱之結得須陀洹果後見佛身相好端嚴而猶不得見白毫相佛告大王戲弄惡口乃至得道見佛不明餘廣如經更不會說如藍之緣準例可知下十定品見色多種。

疏四形有長短三尺丈六乃至無邊鈔三尺等者三尺之身卽瞿師羅長者所見丈六無邊卽無

邊身菩薩窮上界而有餘準十定品或見如來一由旬量百千由旬乃至不可說不可說佛刹微塵數世界量等畧去中間故云乃至無邊。

疏五壽命限量或無量劫或不滿百年下至朝現暮寂鈔五壽命者或無量劫如阿彌陀或不滿百年如今世尊故涅槃云我聞諸天壽命極長云何如來是天中天壽命短促不滿百年下至朝見暮寂者如月面佛壽一日夜故佛名經第六云妙聲佛壽六十百千歲智自在佛壽十二千歲威德自在佛壽七十六千歲摩醯首羅佛壽一億歲梵

聲佛壽十億歲。大衆自在佛壽六十千歲。勝聲佛壽百億歲。月面佛壽一日夜。日面佛壽一千八百歲。梵面佛壽二十三千歲。又第二云。諸佛壽命。長短差別。有十阿僧祇百千萬億。毘盧遮那品云。一切功德須彌勝雲佛壽五十億歲。下經之中。說諸佛壽長短多門。

疏六處謂化處染淨等殊。七根謂眼等隨感現異。鈔七根謂眼等者。佛眼等六根通相而言。三十二相廣長舌等。既有八萬四千等異。則六根之相隨宜亦殊。故高幢普照王山神得觀察一切衆生無有量等。

心所樂嚴淨諸根解脫門。雨華妙眼道場神。得雨一切難捨衆寶莊嚴具解脫門。偈云。昔行施行無量劫。能捨難捨眼如海。如是捨行爲衆生。此妙眼神能悟悅。謂於一眼有無量行。故所得眼無量差別。復有諸根美妙執金剛神。又上經云。佛眼云何無有量等。

疏八生處有利利等別。九依語之用。隨方言音。施設非一故。十觀察者。周旋顧盼以應羣機。又觀存亡。安危可不智照。諸境示有多端。下結意云。令諸衆生各稱已分。而自知見。得調伏耳。

諸佛子。如來於此四天下中。或名一切義成。或名圓滿月。或名師子吼。或名釋迦牟尼。或名第七仙。或名毘盧遮那。或名瞿曇氏。或名大沙門。或名最勝。或名導師。如是等其數十千。令諸衆生。各別知見。

疏第二。諸佛子下。隨門別顯。文分爲三。初終此品。辨身名差別。答上佛住之間。近廣種種身等八句。以色相等。皆屬身故。二四諦品。辨言教偏周。答佛所說法問。近廣種種語業。三光明覺品。明光輪窮照。答上威德法性。菩提三問。近廣種種觀察。其五句依報。但有現相答。廣在前會故。

疏今初廣上名者。然聖人無名。爲物立稱。若就德以立德。無邊涯。若隨機立名。等衆生界。雖復多種。皆爲隨宜。生善滅惡。見理而立。海印頓現。不應生著也。鈔然聖人無名下。欲顯多名。先且立理。於中有二。先雙標。謂本無言相。故下經云。已出世間。言語道。其性非有非無。故凡有言象。皆是隨俗利衆生耳。若就德下。二辨名。就無名立名。不出此二。就德通於真應。隨機唯約利他。雖復多種。下二以義統收。不出四悉檀義。一世界悉檀。但令歡喜。如來立名。少從於此。多約後三。今言隨宜。此爲總句。

四悉皆是隨物宜故。此句亦攝世界悉檀。一生善者。卽是爲人。三滅惡者。卽是對治。四見理者。卽第一義。四悉亦名四隨。問明品中更當廣說。海印頓現者。無盡之名。皆我本師海印頓見。卽攝十方三世佛號。皆屬一佛隨宜之號。非約多佛。

疏文中分四。一娑婆之內。自有百億。二娑婆隣近。卽百億之外。三類通一切。謂盡十方。四釋差別所由。由隨物故。初中分三。初此四洲。二四洲之隣十界。三總結娑婆。今初亦三。初標處。次列名。後結數。他皆倣此。舉四洲者。昔云意取閻浮。言總意別。餘

三天下。佛不出故。然雖不出。除北俱盧餘容有存下。並準之。

疏一切義成。卽悉達也。無事不成就故。鈔一切義成者。梵名悉達多。太子時號。果收因名。恐人不知。故將梵言以釋唐語。

疏圓滿月者。惑斷智圓。恩蔭清涼故。鈔惑斷等者。暗盡明圓。清涼益物。如三德也。

疏師子吼者。名決定說。釋迦牟尼者。釋迦云能。能仁種故。牟尼云寂默。契寂理故。第七仙者。七佛之末故。若取賢劫當第四。仙卽喻也。無欲染故。毘盧

遮那廣如前釋。瞿曇氏者。唯約姓也。此云地王。以從劫初。代代相承爲轉輪王故。然上云釋迦乃是族望。此卽姓望。故智論第二云。釋迦牟尼姓瞿曇。故佛名經亦然。鈔然上云者。姓望。如崔盧等族望。如博陵等。以是能仁之瞿曇故。

疏沙門此云息惡。無惡不息故。復稱大最勝者。聖中極故。德無加故。導師者。引導衆生離險難故。於生死海示衆寶故。然名含多義。畧釋此十。恐文繁博。餘但隨難解之。

諸佛子。此四天下東次有世界。名爲善護。如來於彼。

或名金剛。或名自在。或名有智慧。或名難勝。或名雲王。或名無諍。或名能爲王。或名心歡喜。或名無與等。或名斷言論。如是等其數十千。令諸衆生各別知見。疏二此四天下東下。此洲之隣十界。卽爲十段。其善護等。皆四洲之通稱也。今初東方。斷言論者。證離言故。無能說過故。鈔無能說過者。卽大薩遮尼乾子所說經第四卷。有嚴熾王。請薩遮入宮供養。因問云。大師頗有人於衆生界中。聰明大智。利根黠慧。有罪過不。答言有。下有十重問答。大意皆同一問是誰。一云能雨婆羅門。聰明大智。常多淫。

慾喜侵他妻。二頗羅墮婆羅門多睡。三黑王子多
嫉妬。四勝仙王子多殺生。五無畏王子慈心太過。
六天力王子飲酒太過。七婆敷天王子行事太過。
八大仙王子貪心太過。九大天王子輕躁戲笑放
逸太過。十波斯匿王噉食太過。第十一問還更有
不答云有。王亦有過謂太暴惡急卒。王聞大怒令
殺尼乾尼乾驚怖乞容一言云我亦有過實語太
過大王黠慧之人不應於一切時常行實語觀其
王可不我於暴卒人前出其實語故爲太過王悟悔
過更問頗有聰明大智利根無有過不答言有問

誰是答云沙門瞿曇此一無過我四圍陀經中說
釋種沙門無有過失所謂生在大家不可譏嫌何
以故是轉輪王種故種姓豪貴不可譏嫌以甘蔗
種姓家生故福德莊嚴不可譏嫌三十二相八十
種好莊嚴身故下廣說如來具大慈悲無礙辨才
十力無畏諸不共德廣說三十二相八十種好一
切功德云唯此一人無有過失則顯餘皆不免故
今疏云無能說過王聞發心

諸佛子此四天下南次有世界名爲難忍如來於彼
或名帝釋或名寶稱或名離垢或名實語或名能調

伏。或名具足喜。或名大名稱。或名能利益。或名無邊。或名最勝。如是等其數十千。令諸衆生各別知見。

疏南云帝釋者爲天人主能稱物心故。

諸佛子此四天下西次有世界名爲親慧。如來於彼。或名水天。或名喜見。或名最勝王。或名調伏天。或名真實慧。或名到究竟。或名歡喜。或名法慧。或名所作已辦。或名善住。如是等其數十千。令諸衆生各別知見。

疏西云水天者水善利萬物。天光淨故。

諸佛子此四天下北次有世界名有師子。如來於彼。

或名大牟尼。或名苦行。或名世所尊。或名最勝田。或名一切智。或名善意。或名清淨。或名鑒羅跋那。或名最上施。或名苦行得。如是等其數十千。令諸衆生各別知見。

疏北方鑒羅跋那者。具云鑒溼弗羅跋那。鑒溼弗自在也。羅跋那者聲也。卽圓音自在耳。

諸佛子此四天下東北方。次有世界名妙觀察。如來於彼。或名調伏魔。或名成就。或名息滅。或名賢天。或名離貪。或名勝慧。或名心平等。或名無能勝。或名智慧。或名難出現。如是等其數十千。令諸衆生各別

知見。

諸佛子。此四天下東南方。次有世界名爲喜樂。如來於彼。或名極威嚴。或名光燄聚。或名徧知。或名秘密。或名解脫。或名性安住。或名如法行。或名淨眼王。或名大勇健。或名精進力。如是等其數十千。令諸衆生各別知見。

諸佛子。此四天下西南方。次有世界名甚堅牢。如來於彼。或名安住。或名智王。或名圓滿。或名不動。或名妙眼。或名頂王。或名自在音。或名一切施。或名持衆慳。或名勝須彌。如是等其數十千。令諸衆生各別知見。

見

諸佛子。此四天下西北方。次有世界名微妙地。如來於彼。或名普偏。或名光燄。或名摩尼髻。或名可憶念。或名無上義。或名常喜樂。或名性清淨。或名圓滿光。或名修臂。或名住本。如是等其數十千。令諸衆生各別知見。

諸佛子。此四天下次下方。有世界名爲燄慧。如來於彼。或名集善根。或名師子相。或名猛利慧。或名金色燄。或名一切知識。或名究竟音。或名作利益。或名到究竟。或名真實天。或名普偏勝。如是等其數十千。令

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏金卷十一

四

七

諸衆生各別知見。

諸佛子。此四天下次上方。有世界名曰持地。如來於彼或名有智慧。或名清淨面。或名覺慧。或名上首。或名行莊嚴。或名發歡喜。或名意成滿。或名如盛火。或名持戒。或名一道。如是等其數十千。令諸衆生各別知見。

疏上云。盛火者。盛火焚薪。不擇材木。佛智利物。無揀賢愚。

疏問餘聖教說。大輪圍內平布百億。上卽諸天下安地獄。如何此說。上下皆有四洲。答。此教所說事

隨理融。隨說法處。卽是當中。縱極上際。旁至大輪圍山。亦有十方。互爲主伴。以融爲眷屬。本數非常多。十方界融。亦準於此。因此畧說娑婆。融通改非改相。畧有其五。一約事常定。如小乘說。二隨心見異。若身于梵王三就佛而言。本非淨穢。四隨法廻轉。如上三主伴互爲。五潛入微塵。如前會說。鈔因此以下二類顯義理。卽五教意。二通始終。三卽頓教。四五皆圓。

疏若通論。餘淨土。更有五義。謂諸利相入義。相即義。一具一切義。廣陁自在義。帝網重疊義。並如前

後諸文所說。鈔若約通論下該通諸刹。已上五
義但語娑婆。今該橫豎一切諸刹。此五亦卽成就
品中十無礙義。欲對上五顯其無盡。故復重明。又
前約五教。以法隨機。此五約理。直語融卽。一相入
義。卽一多相容。不同門。二相卽義。卽諸法相。卽自
在門。三一具一切。卽同時具足。相應門。四卽廣。卽
狹。是廣狹自在無礙門。五卽因陀羅網境界門。又
兼上五。潛入微塵。卽微細義。隨法廻轉。卽主伴義。
隨心見異。卽隱顯義。就佛而言。本非淨穢。託事表
法。千門不同。卽託事義。顯於時中。卽十世義。十玄。

具矣。上之十義。直約處明。立名如是。若小乘中。盡
三千界。唯一釋迦。若三乘說。亦百億內。有百億釋
迦。餘十方利。自是別佛。今約一乘。皆是遮那海印
頓現。餘十方佛。例此亦然。猶如燈光。互入同徧。然
於一乘。不可說體建立。多名。故令此名。一一融攝。
諸佛子。此娑婆世界東次有世界。名爲密訓。如來於
億萬種種名號。令諸衆生。各別知見。

疏三諸佛子。此娑婆下。總結娑婆。

諸佛子。此娑婆世界東次有世界。名爲密訓。如來於
彼或名平等。或名殊勝。或名安慰。或名開曉意。或名

聞慧或名真實語。或名得自在。或名最勝身。或名大勇猛。或名無等智。如是等百億萬種種名號。令諸衆生各別知見。依北藏增定

疏二諸佛子此下彰娑婆隣近十方亦爲十段密訓唯九者勘晉經開曉意下闕一聞慧。

諸佛子此娑婆世界南次有世界名曰豐溢。如來於彼或名本性。或名勤意。或名無上尊。或名大智炬。或名無所依。或名光明藏。或名智慧藏。或名福德藏。或名天中天。或名大自在。如是等百億萬種種名號。令諸衆生各別知見。

疏南方唯二舊經則具乃是新本脫漏準前後例不應獨此便畧。

諸佛子此娑婆世界西次有世界名爲離垢。如來於彼或名意成。或名知道。或名安住本。或名能解縛。或名通達義。或名樂分別。或名最勝見。或名調伏行。或名衆譽行。或名具足力。如是等百億萬種種名號。令諸衆生各別知見。

諸佛子此娑婆世界北次有世界名曰豐樂。如來於彼或名簷葡萄色。或名日藏。或名善住。或名現神通。或名性超邁。或名慧日。或名無礙。或名如月現。或名

迅疾風。或名清淨身。如是等百億萬種種名號。令諸衆生各別知見。

諸佛子。此娑婆世界東北方。次有世界名爲攝取。如來於彼。或名永離苦。或名普解脫。或名大伏藏。或名解脫智。或名過去藏。或名寶光明。或名離世間。或名無礙地。或名淨信藏。或名心不動。如是等百億萬種種名號。令諸衆生各別知見。

諸佛子。此娑婆世界東南方。次有世界名爲饒益。如來於彼。或名現光明。或名盡智。或名美音。或名勝根。或名莊嚴益。或名精進根。或名到分別彼岸。或名勝種種名號。令諸衆生各別知見。

定。或名簡言辭。或名智慧海。如是等百億萬種種名號。令諸衆生各別知見。

諸佛子。此娑婆世界西南方。次有世界名爲鮮少。如來於彼。或名牟尼王。或名具衆寶。或名世解脫。或名徧知根。或名勝言辭。或名明了見。或名根自在。或名大仙師。或名開導業。或名金剛師子。如是等百億萬種種名號。令諸衆生各別知見。

諸佛子。此娑婆世界西北方。次有世界名爲歡喜。如來於彼。或名妙華聚。或名栴檀蓋。或名蓮華藏。或名超越諸法。或名法寶。或名復出生。或名淨妙益。或名

廣大眼或名有善法。或名專念法。或名網藏。如是等百億萬種種名號。令諸衆生各別知見。

疏西北方各有十一者。獨此有餘。不成文體。此中專念法應即是前所脫聞慧。亦是梵本之漏注者誤安貝葉耳。

諸佛子。此娑婆世界次下方。有世界名爲關鑰。如來於彼。或名發起談。或名調伏毒。或名帝釋弓。或名無常所。或名覺悟本。或名斷增長。或名大速疾。或名常樂施。或名分別道。或名摧伏幢。如是等百億萬種種名號。令諸衆生各別知見。

疏下方云帝釋弓者。如來念定之弓。以明利箭。能射業惑。阿修羅故。然舊云法命主意取帝釋以法教命爲天主故。今云其弓。但一事耳。若作宮室字以處取人。大同晉本。

諸佛子。此娑婆世界次上方。有世界名曰振音。如來於彼。或名勇猛幢。或名無量寶。或名樂大施。或名天光。或名吉興。或名超境界。或名一切王。或名不退輪。或名離衆惡。或名一切智。如是等百億萬種種名號。令諸衆生各別知見。

諸佛子。如娑婆世界。如是東方百千億無數。無量無

邊無等。不可數。不可稱。不可思。不可量。不可說。盡法界虛空界諸世界中。如來名號種種不同。南西北方四維上下。亦復如是。

疏第三諸佛子如娑婆下類通一切。準四諦品。更有舉此例餘十方亦如娑婆互爲主伴。如世尊昔爲菩薩時以種種談論種種語言種種音聲種種業種種報種種處種種方便種種根種種信解種種地位而得成熟亦令衆生如是知見而爲說法。

疏第四如世尊下釋差別所由此有二意一自既

由於差別名言等而得成就今還倣古以差別熟他二昔菩薩時隨機調物今時出世稱本立名如昔教衆生令空妄境今成正覺爲立超境界名他皆倣此故而得成熟之言通自他也。

吳興信士董斯張捨資八兩三錢五釐刻此

一卷伏願

生母沈氏永育遐齡室人屠氏獲綿壽量誕福
德智慧之男紹世澤箕裘之緒

廣陵楊瑞枝領慕

大方廣佛華嚴經疏鈔卷十二之一 終

60

1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏金卷

三

卷

大方廣佛華嚴經疏鈔卷十二之二

于闐國三藏沙門實叉難陀譯

清涼山大華嚴寺沙門澄觀撰述

四聖諦品第八

疏釋此一品五門分別。初來意者。此品廣前種種語業。卽答前佛說法問。亦遠答前會佛演說海之一問故。旣知佛可歸。次知法可仰。上名隨物立。法逐機差。故次來也。

疏二。釋名中言四聖諦者。聖者正也。無漏正法。得在心故。諦有二義。一者諦實。二者審諦。言諦實者。

此約境辨。謂如所說相。不捨離故。眞實故。決定故。謂世出世二種因果。必無虛妄。不可差失。言審諦者。此就智明。聖智觀彼。審不虛故。凡夫雖有苦集而不審實。不得稱諦。無倒聖智。審知境故。故名聖諦。故瑜伽九十五云。由二緣故名諦。一法性故。二勝解故。愚夫有初無後。聖二具故。偏說聖諦。四謂菩集滅道。總云四聖諦。帶數釋也。鈔二釋名者。疏文有二。先正釋名。經論廣明。今文畧具。五地復釋。今當畧辨。初得名。言諦實下。雙釋二義。諦通二義。聖之一字。唯屬審諦。故瑜伽下三引證二義法。

性是諦實。勝解是審諦。

疏性相云。何逼迫名苦。卽有漏色心增長名集。卽業煩惱。寂靜名滅。謂卽涅槃。出離名道。謂止觀等。此約相說。通大小乘智論云。小乘三是有相。滅是無相。大乘四諦皆是無相。鈔性相云。何下。第二辨體相。謂正出體性。卽說行相。故名體相。於中亦二。先辨性相。二屬經結示。今初通有天台四四諦意。四四諦者。玄文已具。今畧列名。一生滅四諦。二無生四諦。三無量四諦。四無作四諦。依常所釋。但有其二。或名有作無作。或名有量無量。有作有量。

卽是小乘。無作無量。卽是大乘。今以義開。故成四。初卽生滅四諦。文分爲三。初正明。然句皆二義。如逼迫名苦。卽釋別名。一以當辨相。一逼迫身心。是苦行相。二卽有漏色心者。正出體也。色心卽五蘊。心是四故。五盛陰苦故。不攝無爲故。增長名集。是釋名相。積集增長故。卽業煩惱者出體。下二諦。例知。而道云等者。等取八正道等。此約相說者。二結屬生滅四諦也。然四諦有相有性。上所辨性。是相性也。下說無相。是真性也。智論云下三引證。通大小乘。亦是結前生後結前。是生滅四諦。大乘四

諦皆無相下。生後無生四諦也。

疏。涅槃云。解苦無苦。名苦聖諦。謂達四緣生故空。則超筌悟旨成大。又涅槃云。凡夫有苦而無諦。二乘有苦。有苦諦。而無真實。菩薩無苦有諦。而有真實。謂若苦卽諦。三塗之苦。豈卽諦也。二乘雖審知之。而不達法空。不見真實。鈔涅槃云下。卽無生四諦。然疏有三。初引經正明。卽十三經畧示一苦。若具應云解集無和合。名集聖諦。解滅無滅。解道無道等。影在次文。謂達四下。二以義釋經。云何言無生四諦。從緣無性。空故名之爲無。非斷無也。滅

雖無爲。因滅惑顯。亦曰從緣。則超筌悟旨成大者。苦集滅道以爲空筌。其猶筌蹄以求魚兔。無相空理。卽爲魚兔。得魚忘筌。是悟空旨。便成大乘。非離四外別有大也。如非離筌而得魚矣。又涅槃云下。三引經證成大小別義。雙證生滅及無生也。經云。善男子。以是義故。諸凡夫人。有苦無諦。聲聞緣覺。有苦有諦。而無真實。諸菩薩等。解苦無苦。是故無苦而有真諦。諸凡夫人。有集無諦。聲聞緣覺。有集有集諦而無真實。諸菩薩等。解集無集。是故無集而有真諦。聲聞緣覺。有滅非真。菩薩摩訶薩。有

滅有真諦。聲聞緣覺。有道非真。菩薩摩訶薩。有道有真諦。故引此經。兼釋解苦無苦。下之三句。言謂若苦卽諦下。釋經。凡夫無諦之言。涅槃四諦品云。佛復告迦葉。所言苦者。不名苦聖諦。何以故。若苦是苦聖諦者。一切畜生及地獄衆生。應有聖諦。亦卽思益經文。此無諦言。約審諦說。不約諦實。若約諦實。三塗實苦。二乘雖審知之下。釋二乘有諦無實之言。有審諦故。如實知苦。不同凡夫妄計爲樂。無實可知。

無量相。非諸聲聞緣覺所知。瑜伽說菩有一百一十。然此經中。雖彰名異。卽表義殊。以名必召實。故是無量四諦義也。約一界一諦。卽有十千。娑婆四諦。有四百億十千名義。而文義包博。言含性相。鈔又二乘下。第三無量四諦。疏文有三。初牒上立理。前不見法空嘗性。故無真實。此不知無量。不見相故。亦非見實。前卽理智。故但見生空。不及菩薩。此卽量智。故但知麁相。不及菩薩。故大經下一引文證成。迦葉白佛言。世尊。昔佛一時。在恒河岸戶首林中。爾時如來取少樹葉。告諸比丘。我今手中所捉葉多。一切因地草木葉多。諸比丘言。世尊。一切因地草木葉多。不可稱計。如來所捉。少不足言。諸比丘。我所覺了一切諸法。如因大地生草木等。爲諸衆生所宣說者。如手中葉。迦葉難言。如來所了無量諸法。若入四諦。則爲已說。若不入者。應有五諦。佛讚迦葉。善哉。善哉。汝今所問。則能利益安隱快樂無量衆生。善男子。如是諸法。悉已攝在四諦法中。迦葉復白佛言。如是等法。若在四諦。如來何故唱言。不說佛言。善男子。雖復入中。猶名不說。何以故。善男子。知聖諦有二種智。一者中。二者上。

中者聲聞緣覺。上者諸佛菩薩。善男子。知陰爲苦。名爲中智。分別諸陰有無量相。悉是諸苦。非是聲聞緣覺所知。是名上智。善男子。如是等義。我於彼經竟不說之次。歷入界。皆如陰說。又別歷色等五陰。一一皆言有無量相。此是無量四諦意也。瑜伽說苦有一百一十。卽四十四論增數明之初云。謂說苦有一百一十。卽欲爲根本苦。謂所可處事。有一苦。依無差別流轉之苦。一切有情。無不皆墮流轉苦故。復有二苦。一欲爲根本苦。謂所可處事。若變若壞所生之苦。二癡異熟生苦。謂若猛利體受所觸。卽於自體執我我所。愚癡迷悶。生極怨嗟。

由是因緣受二箭受。謂身箭受。及心箭受。復有三苦。一苦。二行苦。三壞苦。次云。復有四苦。五有五苦。六有六苦。七有七苦。八有八苦。九有九苦。十有十苦。故成五十五苦。次論云。當知復有餘九種苦。一。一切苦。二廣大苦。三。一切門苦。四邪行苦。五流轉苦。六。不隨欲苦。七違害苦。八隨逐苦。九。一切種苦。其第一。一切苦。開爲二苦。一宿因所生苦。二現緣所生苦。其第二。廣大苦。開四苦。第三。一切門苦。亦開四苦。第四邪行苦。開五。五流轉苦。開六。六不隨欲苦。開七。七違害苦。開八。八隨逐苦。開九。九一

切種苦開十復成五十五故兩段合百一十苦然此經中下會今經文正同無量

疏又究此四非唯但空便爲真實今了陰入皆如無苦可捨無明塵勞即是菩提無集可斷生死卽涅槃無滅可證邊邪皆中正無道可修無苦無集卽無世間無滅無道卽無出世間不取不捨同一實諦鈔又究下無作四諦亦三初總明言非唯但空者揀上無生但顯空義便爲真實正是所宗今了下二別示四相陰入皆如者前云卽空今云卽如理已別矣又言無苦可捨非是空故無有可

捨今體卽如如外無苦何所捨耶此句言如如尚似空集言無明塵勞皆卽菩提豈同前空苦菩提體外無別可斷不同無生空無可斷前則空中無華云何可摘今則波即是水不得除波下二諦例然生死卽涅槃非是體空無生滅也邊邪皆中正者非離邊外別有中道非離邪外別有正道亦非無邊無邪無可修也細尋可見勿濫無生故涅槃四諦品云若知如來常住名修習苦若知法常名爲修集若修滅者若多修空名爲不善何以故滅壞一切法故壞於如來真法藏故同於外道若有

說言有如來藏雖不可見。若滅煩惱。乃能得入。若發此心。一念因緣於證得中而得自在。結云。以如來秘密藏者。即是滅諦。道聖諦者。所謂佛法僧寶。及正解脫。若能一念發心。見如來常住無變。法僧解脫。亦復如是。名修習道上。皆無作四諦意也。無苦無集下。三東歸一諦。一實諦義。亦是涅槃十三文殊問佛。世尊第一義中有世諦不。世諦之中。有一第一義不。如其有者。即是一諦。如其無者。將非如來虛妄說耶。善男子。世諦卽第一義諦。世尊。若爾。則無二諦。善男子。有善方便。隨順衆生。說於二諦。

等。皆一諦義。下文殊問言。所言實諦。其義云何。答云。實諦名爲真法。若法非真。不名實諦。又名無顛倒。名無虛妄。名曰大乘。是佛所說。非魔所說。又言善男子。實諦者。一道清淨。無有二也。善男子。有常有樂。有我有淨。是則名爲實諦之義。

疏故斯一品。有作無作。有量無量。皆在其中。準下第五地中。復以十重觀察。至下當明。鈔故斯一品下。第二會經結示上。第三段中。言此經正同無量四諦。且從一義。今則具結通具四種也。故上疏云。而文義包博。言含性相。相卽生滅。及與無量性。

卽無生。及與無作。相以廣狹成二四諦。性以空實成二四諦。經宗必融。舉一收四方是經旨。以四種四諦義出諸師。故疏暗用。使合經文。不標名目。恐驚常聽。結歸二對。順常經論。或名有作無作。或名有量無量。今之結意。有作卽生滅。有量同無生。於有量上說無生耳。餘二名同。五地十重。至文自見。今畧示名。一善知俗諦。二善知第一義諦。三相諦。四差別諦。五成立諦。六事諦。七生諦。八盡無生諦。九入道智諦。十善知一切菩薩地次第成就諦。乃至善知如來成就智諦。

疏三宗趣者。以無邊諦海。隨根隨義立名。不同偏空世界。以此爲宗。務在益物。調生爲趣。又上二皆宗發生淨信爲趣。

疏四解妨難問。旣彰佛語業。答說法問。佛所說法多門。何以唯陳四諦。答以名雖在小。義通大小。事理具足。謂苦集二諦。是世間因果。所知所斷。無改易故。滅道兩諦。出世間因果。所證所修。事決定故。知斷證修。能運衆生到彼岸故。世界有異。此獨無改。況無量無作。何義不收。是故約此以顯差別。鈔答以名。雖在小者。通此一問。有二義。一四諦包

舍故。二開權顯實故。今初名雖在小者。經中多言爲求聲聞者。說四諦故。義通大小。卽生滅無生等事理具足者。如十二緣。但事而無理。今滅諦是理。十二緣名廣事畧。事亦不具。但有苦集而無道故。六波羅密。但顯出世。無世間故。但有道滅。無苦集故。謂苦集二諦下。出具足相。世界有異者。十方諸佛出世教化。皆令捨於世間。證涅槃故。三世同然。故涅槃云。我昔與汝等。不識四真諦。是故久流轉生死大苦海。況無量下。收後二重。但用前二相。性具足。大小包含。況加此二一實之旨。於是乎在。

疏又爲破計引機故。謂演彼聲聞四諦局法。令亡所執。引入一乘無邊諦海。故約此辨。何以四諦皆帶苦言。謂苦滅聖諦等。然謂生苦之集。故云苦集。盡苦之滅。名爲苦滅。至苦滅之道。名苦滅道。不得單言苦道。以道非生苦。不同集故。又非滅苦。不同滅故。能證苦滅。故云苦滅道。鈔又爲破計下。第二開權顯實。以諸經中多說四諦爲小。今開此局。名周法界。亡所執相。卽入無生。引入一乘。則會真實。況六度等而不周耶。

爾時文殊師利菩薩摩訶薩。告諸菩薩言。

疏五正釋文。一品分二。先標告二諸佛子下正顯於中分四。初娑婆諦名。二隣次十界。三類通一切。四王伴無窮。然此望前品。畧於單說四洲。就初二中。一方內文各有二。別列諦名。一結數辨意。然其立名。或有因從果稱。果藉因名。約事約理。或總或別。如文當知。

諸佛子。苦聖諦。此娑婆世界中。或名罪。或名逼迫。或名變異。或名攀緣。或名聚。或名刺。或名依根。或名虛誑。或名癰瘡處。或名愚夫行。

疏初娑婆中列內四諦。卽爲四別。一苦云罪者。擢

也。謂摧壞色心故。二逼迫者。不可意境逼迫身心也。此二總顯三變異者。壞苦也。攀緣者。追求苦也。聚者。五盛陰苦也。刺者。從喻立名。如刺未拔。依根者。由苦能生一切惡也。虛誑者。於下苦中。能生樂想也。癰瘡處者。此喻二苦。有癰瘡處性。自是苦也。如五陰苦。若加手等觸。苦上加苦。是苦苦也。愚夫行者。行苦也。愚人所行故。如以睫毛置掌不覺。若置目內。爲苦不安。愚夫不覺行苦。如掌內之毛。而復以苦反欲捨苦。皆愚夫行也。鈔如一睫毛者。全是俱舍頌云。如以一睫毛。置掌人不覺。若置眼

睛上爲苦及不安。凡夫如手掌不覺行苦睫智者如眼睛緣極生厭怖而復以苦者。卽法華經第一云。不求大勢佛及與斷苦法深入諸邪見以苦欲捨苦爲是衆生故而起大悲心。

諸佛子苦集聖諦此娑婆世界中或名繫縛或名滅壞或名變著義或名妄覺念或名趣入或名決定或名網或名戲論或名隨行或名顛倒根。

疏一集中初二通顯謂有業惑者繫縛三界滅壞善根次二別顯煩惱餘多通業惑鈔有業惑者然三雜染業惑爲集別有多門總不出二。

諸佛子苦滅聖諦此娑婆世界中或名無諍或名離塵或名寂靜或名無相或名無沒或名無自性或名無障礙或名滅或名體真實或名住自性。

疏二苦滅中無諍者煩惱爲諍故鈔煩惱名諍卽俱舍論云煩惱名諍觸動善品故今滅煩惱故名無諍。

疏體真實者非唯惑滅而已實乃法身常住爲滅諦之義故鈔非唯滅惑者如成實等亦說滅者譬如燈滅則膏明俱竭無復別有一實盡處也肇公亦用此言實則滅惑所顯法身常住有實體也。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏錄卷二

故涅槃第四迦葉問言。如佛所言。如燈滅已。無有
方所。如來亦爾。既滅度已。亦無方所。佛告迦葉。善
男子。如人然燈之時。燈器大小。悉滿中油。隨其油
在其明。猶存。若油盡已。明亦俱盡。其明滅者。偷煩
惱滅。明雖滅盡。燈器猶存。如來亦爾。煩惱雖滅。法
身常存。下文又云。如燈滅者。是羅漢涅槃。又四諦
品云。若言修習空法。是名不善。滅壞一切如來真
法藏。故同於外道。故知滅體法。是眞實故。

空無住。自性言。卽是法住法正位也。本來寂滅。卽
成上文住。自性義。

諸佛子。苦滅道聖諦。此娑婆世界中。或名一乘。或名
趣寂。或名導引。或名究竟無分別。或名平等。或名捨
擔。或名無所趣。或名隨聖意。或名仙人行。或名十藏。
疏四。苦滅道諦云十藏者。謂信聞等。如十藏品說。
諸佛子。此娑婆世界中。說四聖諦。有如是等四百億
十千名。隨衆生心。悉令調伏。

疏一。結云四百億十千者。望前名號。一四洲有十
千。今一四天下。一諦亦有十千。四諦歷於百億。故

有四百億箇十千。隨衆生心下。顯差別之意也。

諸佛子。此娑婆世界所言。菩薩諦者。彼密訓世界中。或名營求根。或名不出離。或名繫縛本。或名作所不應作。或名普闍諲。或名分析。悉無力。或名作所依。或名極苦。或名躁動。或名形狀物。

疏第二辨。十方諦名。密訓。卽東方界也。菩薩分析悉無力者。推之於緣。無實物也。形狀物者。有形皆苦也。

諸佛子。所言菩薩集聖諦者。彼密訓世界中。或名順片死。或名染著。或名燒然。或名流轉。或名敗壞根。或名釋曰。正引病本。無得因便。

諸佛子。所言苦滅聖諦者。彼密訓世界中。或名第一義。或名出離。或名可讚歎。或名安隱。或名善入趣。或名調伏。或名一分。或名無罪。或名離貪。或名決定。故稱一分。鈔惑由妄起者。卽大般若中。若般若疏滅云。一分者。惑由妄起。故分數塵沙。理不可分。

支那
華嚴疏少卷十二之三
古

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏錄卷二

波羅密多清淨。若色清淨。若一切智。智清淨。無二無二分。無別無斷故。故無二分。是真滅耳。是以生公云。萬善理同而相兼。惡異而域絕。善因伏惑成別。故有八萬行名。行雖參差。俱果菩提。總由一理以統之故。何有二分。理不可分。如虛空故。

諸佛子所言。苦滅道聖諦者。彼密訓世界中。或名猛將。或名上行。或名超出。或名有方便。或名平等眼。或名離邊。或名了悟。或名攝取。或名最勝眼。或名觀方。疏道言。上行者。所之在滅。鈔所之在滅者。滅爲最上。之者適也。道能證滅。故爲上行。此言在於周

易。故謙卦云。地道卑而上行。噬嗑卦彖辭云。柔得中而上行。注云。上行謂所之在進也。凡言上行。之所之在貴也。今借此文勢。

疏言觀方者。謂觀四諦也。更有四方。如十定品。

鈔觀方者。卽涅槃三十六迦葉品中云。如恒河邊有七種衆生。一者沉沒。二者沒已還出。出已復沒。三者沒已却出。出已不沒。四者出已觀方。五者觀方已去。六者去至淺處則住。七者到彼岸廣有合文。今但取第四觀方一義。經云。是名第四徧觀四方。四方者。卽是四諦。釋曰。能觀四諦。卽是道諦。故

道名觀方。更有四方者。卽第四十二阿耨達池喻中。合池四方云。佛子。何者。名爲菩薩四方。所謂見一切佛而得開悟。一也。聞一切法受持不忘。二也。圓滿一切波羅密行。三也。大悲說法。滿足衆生。四也。釋曰。若觀此四。爲菩薩道也。

諸佛子。密訓世界說四聖諦。有如是等四百億十一名。隨衆生心。悉令調伏。

諸佛子。此娑婆世界所言苦聖諦者。彼最勝世界中。或名恐怖。或名分段。或名可厭惡。或名須承事。或名變異。或名招引寃。或名能欺奪。或名難共事。或名妄

分別。或名有勢力。

疏二。最勝世界者。卽是南方。前名豐溢。豐溢是正翻。最勝乃義譯耳。苦名有勢力者。生老病死。猶四山臨人世。雖賢豪力無與競。鈔生老病死者。涅槃二十九中。釋八喻非喻云。云何非喻。如我昔告波斯匿王云。大王。有親信人從四方來。各作是言。大王。有四大山。從四方來。欲害人民。王若聞者。當設何計。王言。世尊。設有此來。無逃避處。唯當專心持戒布施。我卽讚言。善哉大王。我說四山。卽是衆生生老病死。生老病死常來切人。云何大王不修。

施戒卽其事也。故賢與不肖。豪強羸弱。同爲四遷。
一無脫者。梵王帝釋。貧窮下賤。堯舜桀紂。三皇四
凶。併歸灰壤。皆爲苦依。

諸佛子所言苦集聖諦者。彼最勝世界中。或名敗壞。
或名癡根。或名大寃。或名利刃。或名滅味。或名仇對。
或名非已物。或名惡導引。或名增黑暗。或名壞善利。

疏集名非已物者。已本性淨。妄惑何預。

諸佛子所言苦滅聖諦者。彼最勝世界中。或名大義。
或名饒益。或名義中義。或名無量。或名所應見。或名
離分別。或名最上調伏。或名常平等。或名可同住。或

名無爲。

疏滅名義中義者。事善有義滅理尤勝。義中義也。
諸佛子所言苦滅道聖諦者。彼最勝世界中。或名能
燒然。或名最上品。或名決定。或名無能破。或名深方
便。或名出離。或名不下劣。或名通達。或名解脫性。或
名能度脫。

疏道名燒然。以智慧火燒煩惱故。

諸佛子最勝世界說四聖諦。有如是等四百億十
千名。隨衆生心悉令調伏。

諸佛子此娑婆世界所言苦聖諦者。彼離垢世界中。

123456789

123456789

或名悔恨。或名資待。或名展轉。或名住城。或名一味。或名非法。或名居宅。或名妄著處。或名虛妄見。或名無有數。

疏三西方離垢世界。苦名無有數。三際無涯故。諸佛子所言苦集聖諦者。彼離垢世界中。或名無實物。或名但有語。或名非潔白。或名生地。或名執取。或名鄙賤。或名增長。或名重擔。或名能生。或名麁獷。疏集名增長者。從惑生惑業故。鈔從惑生惑業者。卽俱含頌。具云從惑生惑業。從業生於事。從事事惑生。有支理唯此。此偈六地當釋。今但要此句。

從惑生惑者。謂從憂生取也。言從惑生業者。卽從取生有。及無明生行。事卽是苦。今但說集。唯舉惑業。

諸佛子所言苦滅聖諦者。彼離垢世界中。或名無等等。或名普除盡。或名離垢。或名最勝根。或名稱會。或名無資待。或名減惑。或名最上。或名畢竟。或名破印。疏滅名稱會者。以事之滅。稱會理滅。故破印者。世之陰苦。若臘印印泥。印壞文成。此陰纔滅。彼陰續生。今云破印永不生也。鈔若蠟印印泥者。卽涅槃二十九下。當廣釋。次下疏文。卽彼經文。今當畧

引經云。善男子。如日垂沒。山陵崩。影現東移。理無西逝。衆生果報亦復如是。此陰滅時。彼陰續生。如燈生暗滅。燈滅暗生。善男子。如蠟印印泥。印與泥合。印滅文成。而是蠟印。不變在泥。文非泥出。不餘處來。以印因緣而生是文。現在陰滅。中陰陰生。是現在陰。終不變爲中陰五陰。中陰五陰亦非自生。不從餘來。因現陰故。生中陰陰。如蠟印印泥。印壞文成。名雖無差。而時節有異。釋曰。義至下釋。今意在破印耳。陰即是苦。若證滅理。現在之陰。不爲後因。後陰不生。卽破印也。

諸佛子所言苦滅道聖諦者。彼離垢世界中。或名堅固物。或名方便分。或名解脫本。或名本性實。或名不可毀皆。或名最清淨。或名諸有邊。或名受寄全。或名作究竟。或名淨分別。

疏道名諸有邊者。照實卽生死可盡也。故中論云。真法及說者。聽者難得故。是故卽生死。非有邊無邊。謂三事難得。故非有邊難得者。容有得義。得則生死有邊。受寄全者。業寄於集。麁受還亡。業寄於道。永不可失。鈔照實等者。此正立理。故中論下。引證先舉偈文。卽邪見品。先有偈云。若世間有邊。

云何有後世。若世間無邊。云何有後世。上反釋次云。五陰常相續。猶如燈火焰。以是於世間。不應邊無邊。釋曰。以緣生性空故。不屬邊無邊。復次如中百觀說。真法及說者等。此約相說。不遇因緣。則生死無邊。遇則有邊。此有三事。一真法。如良藥。二說者。如良醫。三聽者。如可治之病。若具此三煩惱病愈。生死可盡盡。即是邊。不具此三煩惱。浩然生死無畔。斯則無邊。故結云。非有邊非無邊也。謂三事下疏。釋上偈。卽影公意。彼疏云。難得故。非有邊難得。故非無邊。言猶難見。故取意釋。夫言難得。非全

不得。若全不得。一向無邊。今有得者。得則有邊。以難得故。則無邊耳。此亦約一人而說。若總望一切。難有其邊。業寄於集者。設修善法。有漏心修。是寄於集。因盡報謝。故云還亡。無漏心修。是寄於道。道符於理。直趣菩提。

諸佛子。離垢世界說四聖諦。有如是等四百億十千名。隨衆生心。悉令調伏。

諸佛子。此娑婆世界所言四聖諦者。彼豐溢世界中。或名愛染處。或名險害根。或名有海分。或名積集成。或名差別根。或名增長。或名生滅。或名障礙。或名刀

劍本或名數所成。

疏四北方豐溢世界者。豐溢自南方界名。前品此方名爲豐樂。梵云微部地。田夷切 豐樂得旨。譯者不審。一名相參耳。菩名有海分者。二十五有各一分也。數所成者。數體卽集。集所成故。鈔二十五有者。頌云。四洲四惡趣。梵王六欲天。無想五那含。四空并四禪。廣如涅槃十四數體卽集者。有爲之法。總名爲數亦心數也。今總中取別。云卽集也。

諸佛子所言。苦集聖諦者。彼豐溢世界中。或名可惡或名名字。或名無盡。或名分數。或名不可愛。或名能

擾噬。或名麁鄙物。或名憂著。或名器。或名動。

疏集名分數者。無一理以貫之。則惑業萬差矣。攬噬者。攬搏也。噬嚙也。集之損害。猶惡禽獸也。鈔無一理者。生公云。凡順理生心名善。乖背爲惡。萬善理同而相兼。惡異而域絕。卽斯義矣。

諸佛子所言。苦滅聖諦者。彼豐溢世界中。或名相續斷。或名開顯。或名無文字。或名無所修。或名無所見。或名無所作。或名寂滅。或名已燒盡。或名捨重擔。或名已除壞。

疏滅名無所修者。修已極故。

諸佛子。所言。菩滅道聖諦者。彼豐溢世界中。或名寂滅行。或名出離行。或名勤修證。或名安隱去。或名無量壽。或名善了知。或名究竟道。或名難修習。或名至彼岸。或名無能勝。

疏道名無量壽者。謂證滅永常。今因標果稱。

諸佛子。豐溢世界。說四聖諦有如是等四百億十千名。隨衆生心。悉令調伏。

諸佛子。此娑婆世界所言。菩聖諦者。彼攝取世界中。或名能劫奪。或名非善友。或名多恐怖。或名種種戲論。或名地獄性。或名非實義。或名貪欲擔。或名深重根。或名隨心轉。或名根本空。

疏五東北方攝取世界。菩名地獄性者。未入忍來。常有墮性。鈔未入忍者。俱舍云。燭必至涅槃頂。終不斷善。忍不墮惡趣。第一入離生。四善根中。第三方免地獄故。知菩依之身。地獄性矣。

疏根本空者。約性以說。同淨名五受陰洞達空故。鈔同淨名者。卽迦旃延章。謂不生不滅。是無常義。五受陰洞達空無所起。是菩義。諸法畢竟無所有。是空義。於我無我而不二。是無我義。法本不生。今則無滅。是寂滅義。今唯要一句。至第三住。當廣

分別耳。

諸佛子所言。菩集聖諦者。彼攝取世界中。或名食著。或名惡成辦。或名過惡。或名速疾。或名能執取。或名想。或名有果。或名無可說。或名無可取。或名流轉。

疏集中。由妄惑故。見羅刹。橫相執取。妄體本空。故無可取。故中論云。虛詎妄取者。是中何所取。佛說如是法。欲以示空義。鈔見等者。見羅刹。前已釋竟。一地經云。身見羅刹。於中執取。將其永入愛欲稠林。妄體本空者。由二義前名執取。後名無所取。義似相違。故中論下釋無所取。即是行品。

行即是陰。謂小乘人爲菩薩立過云。若一切法空。何以佛說虛詎妄取。若有妄取。法則不空。故偈云。如佛經所說。虛詎妄取相。諸行妄取故。是名爲虛詎。故論王舉偈以答。卽如今疏所引偈是。此答意云。由不了空。無所取中而生取著。故云妄取。若有可取。不名妄取。明知說於妄取。正爲說空。如責賢人妄取空華。正爲顯華是非有故。

諸佛子所言。苦滅聖諦者。彼攝取世界中。或名不退轉。或名離言說。或名無相狀。或名可欣樂。或名堅固。或名上妙。或名離癡。或名滅盡。或名遠惡。或名出離。

諸佛子。所言苦滅道聖諦者。彼攝取世界中。或名離言。或名無諍。或名教導。或名善迴向。或名大善巧。或名差別方便。或名如虛空。或名寂靜行。或名勝智。或名能了義。

疏滅道俱名離言者。滅性離言。道令言離故。鈔滅性離言者。諸法寂滅相。不可以言宣故。道令言離者。亡心體極離言契滅故。

諸佛子。攝取世界。說四聖諦。有如是等四百億十千名。隨衆生心。悉令調伏。

諸佛子。此娑婆世界所言苦聖諦者。彼饒益世界中。或名重擔。或名不堅。或名如賊。或名老死。或名憂所成。或名流轉。或名疲勞。或名惡相狀。或名生長。或名利刃。

疏六東南饒益世界苦名如賊者。五盛陰苦。劫害我故。

諸佛子。所言苦集聖諦者。彼饒益世界中。或名敗壞。或名渾濁。或名退失。或名無力。或名喪失。或名乖違。或名不和合。或名所作。或名取。或名意欲。

疏集名無力者。於出生死無有力能。善法治之。不復相拒故。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

諸佛子。所言苦滅聖諦者。彼饒益世界中。或名出獄。或名真實。或名離難。或名覆護。或名離惡。或名隨順。或名根本。或名捨因。或名無爲。或名無相續。

疏滅名捨因者。無爲無因。而體是果。菩提之道。望此亦因。獨寂滅涅槃。得稱果果。故曰捨因。鈔無爲無因者。卽涅槃師子吼品云。涅槃無因。而體是果。若涅槃有因。不得名爲般涅槃也。謂涅槃之體。畢竟無因。如無我我所故。亦如俱舍。無爲無因果。謂六因無五。但有能作故。名捨因。而體是果。卽離繫果。菩提之道。望此亦因者。要得菩提證涅槃故。

故此菩提亦名爲因。是果中因故。滅理涅槃。是因家之果。又是菩提果家之果故。

諸佛子。所言苦滅道聖諦者。彼饒益世界中。或名達無所有。或名一切印。或名三昧藏。或名得光明。或名不退法。或名能盡有。或名廣大路。或名能調伏。或有名安隱。或名不流轉根。

疏道名一切印。無不審決故。印義後說。

諸佛子。饒益世界。說四聖諦有如是等四百億十千。名隨衆生心。悉令調伏。

諸佛子。此娑婆世界所言苦聖諦者。彼鮮少世界中。

或名險樂欲。或名繫縛處。或名邪行。或名隨受。或名無慙耻。或名貪欲根。或名恒河流。或名常破壞。或名炬火性。或名多憂惱。

疏七西南鮮少世界。苦名邪行者。體非正道。是行性故。

諸佛子所言苦集聖諦者。彼鮮少世界中。或名廣地。或名能趣。或名遠慧。或名留難。或名恐怖。或名放逸。或名攝取。或名著處。或名宅主。或名連縛。

疏集名廣地。生大苦樹故。宅主卽無明也。

諸佛子所言苦滅聖諦者。彼鮮少世界中。或名充滿。

或名不死。或名無我。或名無自性。或名分別盡。或名安樂住。或名無限量。或名斷流轉。或名絕行處。或名不二。

疏滅名絕行處者。心路絕故。

諸佛子所言苦滅道聖諦者。彼鮮少世界中。或名大光明。或名演說海。或名簡擇義。或名和合法。或名離取著。或名斷相續。或名廣大路。或名平等因。或名淨方便。或名最勝見。

疏道名廣大路者。先聖後賢游之而不厭故。

諸佛子鮮少世界說四聖諦有如是等四百億十千

名隨衆生心悉令調伏。

諸佛子此娑婆世界所言。菩薩聖諦者。彼歡喜世界中。或名流轉。或名出生。或名染著。或名重擔。或名差別。或名內險。或名集會。或名惡舍宅。或名菩薩惱性。疏八。西北歡喜界中。菩薩闕一者。晉譯少出生。唐譯少失利。

諸佛子所言。菩薩集聖諦者。彼歡喜世界中。或名地。或名方便。或名非時。或名非實法。或名無底。或名攝取。或名離戒。或名煩惱法。或名狹劣見。或名垢聚。疏集名無底者。煩惱深故。非習道學浮沉而已。

鈔非習道學者亦涅槃三十二師子吼品。恒河
七人之意。習道是法學浮是喻。經中因師子吼問。
若一切衆生乃至闡提定有佛性卽當定得無上
菩提。何以一切衆生不得涅槃。若有佛性力故。何
須修習八正道等。佛便讚歎謂舉此喻。佛言善哉。
善哉。善男子如恒河邊有七種人。若爲洗浴。恐怖
賊寇。或爲採華。則入河中。第一人者。入水則沒。何
以故。羸無力故。不習浮故。第二人者。雖沒還出。出
已復沒。何以故。身力大故。則能還出。不習浮故。出
已還沒。第三人者。沒已卽出。出更不沒。何以故。身

重故沒。力大故出。又習浮故出已卽住。第四人者入已便沒。沒已還出。出已卽住。徧觀四方。何以故。重故則沒。力大還出。習浮則住。不知出處。故觀四方。第五人者。入已卽沒。沒已還出。出已卽住。住已觀方。觀方已卽去。何以故。爲怖畏故。第六人者。入已卽去。淺處則住。何以故。觀賊遠近故。第七人者。既至彼岸。登上大山。無復恐怖。離諸冤賊。受大快樂。善男子。生死大河。亦復如是。有七種人。畏煩惱賊。故發意欲度。此下卽是義引經文。第一人者。謂出家披衣。隨逐惡友。聽受邪法。撥無因果。卽一闡

提。沒生死河不能得出。第二人者。欲度生死。斷善根故沒。親近善友得信心故出。又遇惡友復斷善根故復沒也。第三人者。斷善根故沒。近善友得信心故出。信如來常住。修習淨戒。讀誦書寫十二部經。堅住惠施故名不沒。修戒施惠。卽是習浮。第四人者。沒出與住。皆同第三。但合觀方。云觀四方者。四沙門果。第五人者。餘義同前。但卽去者心無退轉。是住無退轉已。卽便前進。前進者。謂辟支佛第六人者。前喻之中。但云入已卽去。及至合中。亦同第五。皆有沒出住去。去至淺處。第七人者。發意欲

度生死大河。斷善根故。於中沉沒。親近善友。獲得信心。得信心已。是名爲出。以信心故。讀誦書寫解說十二部經。爲衆生故。廣宣流布。樂於惠施。修習智慧。以利根故。堅住信惠。心無退轉。無退轉已。卽便前進。旣前進已。得到彼岸。登大高山。離諸恐怖。多受安樂。善男子。彼岸山者。喻於如來。受安樂者。喻佛常在。大高山者。喻大涅槃。善男子。是恒河邊如是諸人。悉具手足。而不能度。一切衆生。亦復如是。實有佛寶法寶僧寶。如來常說諸法要義。謂八聖道大般涅槃。而諸衆生悉不能得。此非我咎。亦須修道方至彼岸。

諸佛子所言。普滅聖諦者。彼歡喜世界中。或名破依止。或名不放逸。或名真實。或名平等。或名善淨。或名無病。或名無曲。或名無相。或名自在。或名無生。疏滅名破依止。身與煩惱互爲依止。展轉無窮。唯證滅理。方能永破。鈔身與煩惱下。卽涅槃四十納衣梵志問言。如瞿曇說。無量世中。作善不善。未來還得善不善身。是義不然。何以故。如瞿曇說。因

煩惱故。獲得是身。若因煩惱獲是身者。身爲在先。煩惱在先。若煩惱在先。誰之所作。住在何處。若身在先。云何說言因煩惱得。是故若言煩惱在先是。身卽不可。若身在先是亦不可。若言一時是亦不可。先後一時。義俱不可。是故我說一切諸法皆有自性。不從因緣下經答云。善男子。汝言身爲在先。煩惱在先者。是義不然。何以故。若我當說身在先者。汝可難言。汝亦同我。身不在先。何因緣故而作是難。善男子。一切衆生身及煩惱俱無先後。一時而有。雖一時有。要因煩惱而得有身。終不因身有煩惱也。

釋曰。上有三關。先後一時。佛捨前後而用一時。恐難一時。故自遮云。汝意若謂如人二眼。一時而得。不相因待。左不因右。右不因左。煩惱及身亦如是者。是義不然。何以故。世間眼見炷之與明。雖復一時。明要因炷。終不因明而有炷也。釋曰。此佛一答。一時因緣。二義並成。故今疏云。身與煩惱。互爲依止。互爲依止之言。卽俱時義。非謂因身有煩惱也。謂因煩惱而得有身。能生煩惱。復依身住。亦不應難。未得身時。煩惱依何。故云互依。二互因依。展轉無際。若證滅理。因惑不生。惑旣不生。身從何

得。非唯身滅證於不生。展轉之見亦皆寂滅。諸佛子所言。菩滅道聖諦者。彼歡喜世界中。或名入勝界。或名斷集。或名超等類。或名廣大性。或名分別盡。或名神力道。或名衆方便。或名正念行。或名常寂路。或名攝解脫。

疏道名廣大性者。無不在故。鈔道名廣大性者。然道無不在。亦是莊子。商大宰懿問莊子曰。道何所在。荅曰。道在瓦石。曰。何下耶。莊子曰。道在屎尿。曰。何愈下耶。曰。道無不在。彼以虛無自然爲道。無法不是虛無自然。故無不在。今以類取。則真如寂

滅。無所不在。道符於滅。何所不在。

諸佛子歡喜世界說四聖諦有如是等四百億十一名。隨衆生心悉令調伏。

諸佛子此娑婆世界所言菩聖諦者。彼關鑰世界中。或名敗壞相。或名如坏器。或名我所成。或名諸趣身。或名數流轉。或名衆惡門。或名性菩。或名可棄捨。或名無味。或名來去。

疏九下方關鑰世界。菩名我所成者。我見有故。諸佛子所言菩集聖諦者。彼關鑰世界中。或名行。或名憤毒。或名和合。或名受支。或名我心。或名雜毒。或

撰述

聖嚴疏金卷二

名虛稱或名乖違或名熱惱或名驚駭。

疏集名我心卽我見憂。

諸佛子所言苦滅聖諦者彼關鑰世界中或名無積集或名不可得或名妙藥或名不可壞或名無著或名無量或名廣大或名覺分或名離染或名無障礙疏滅名覺分者所覺處故。

諸佛子所言苦滅道聖諦者彼關鑰世界中或名安隱行或名離欲或名究竟實或名入義或名性究竟或名淨現或名攝念或名趣解脫或名救濟或名勝行。

疏道名入義者能入滅諦第一義故。

諸佛子關鑰世界說四聖諦有如是等四百億十千

名隨衆生心悉令調伏。

諸佛子此娑婆世界所言苦聖諦者彼振音世界中或名匿疵或名世間或名所依或名傲慢或名染著性或名駛流或名不可樂或名覆藏或名速滅或名難調。

疏十上方振音世界苦名匿疵身爲惑病所藏處

故傲慢者慢以生苦爲業果取因名染著性者性令染故如樂受壞苦誰謂苦耶駛流者刹那性故

1 2 3 4 5 6 7 8 9

7 0

1 2 3 4 5 6 7 8 9 8 0

1 2 3 4 5 6 7 8 9

撰述

聖闡頭銘卷二

卽行苦也。不可樂者。苦苦也。覆藏者。藏苦因故。樂藏壞苦故。不苦不樂。藏行苦故。速滅者。流轉苦也。難調者。誰不欲捨。莫之能出。不憚疲苦。方能調之。諸佛子。所言苦集聖諦者。彼振音世界中。或名須制伏。或名心趣。或名能縛。或名隨念起。或名至後邊。或名共和合。或名分別。或名門。或名動。或名隱覆。

疏集名至後邊者。不斷無窮故門者。入苦趣故。諸佛子。所言苦滅聖諦者。彼振音世界中。或名無依處。或名不可取。或名轉還。或名離諍。或名小。或名大。或名善淨。或名無盡。或名廣博。或名無等價。

疏滅名不可取。取則不滅也。小之則無內。不容一物也。大之則無外。法界性也。諸佛子。所言苦滅道聖諦者。彼振音世界中。或名觀察。或名能摧敵。或名了知印。或名能入性。或名難敵對。或名無限義。或名能入智。或名和合道。或名恒不動。或名殊勝義。

疏道名難敵對者。有惑必破。不爲惑破故。猶明能滅暗。故無暗而不滅。暗不滅明。何能相敵。諸佛子。振音世界說四聖諦。有如是等四百億十千名。隨衆生心。悉令調伏。

0

1 2 3 4 5 6 7 8 9 10 1 2 3 4 5 6 7 8 9 10

諸佛子。如此娑婆世界中。說四聖諦有四百億十
名。如是東方百千億無數無量無邊無等不可數。不
可稱不可思不可量。不可思盡法界虛空界所有世
界。彼一一世界中。說四聖諦亦各有四百億十千名。

隨衆生心悉令調伏。

疏第三諸佛子下。類通一切初舉娑婆以類東方。
如東方。南西北方。四維上下。亦復如是。

疏後舉東方以類餘九

諸佛子。如娑婆世界有如上所說十方世界。
疏第四如娑婆下顯主伴無盡文中初舉此例。彼